




卅五

弘治元年 至 四年



國權

言... 合... 本... 歸... 立... 命... 日...

鹽官談遷孺木著

孝宗建天明道誠純中正聖文神武至仁大德敬皇帝諱祐橿

憲宗純皇帝第三子也母淑妃紀氏成化六年七月己卯生

時畏萬貴妃弗敢言成化十一年五月上始知之賜名

太皇太后親撫之六月紀氏遽薨深自晦也十一月

立為皇太子九歲出就學善讀未嘗悞上作文華大訓

講必拱聽典重覃吉日夕啟導凡句讀禮文朝事民情俱詳

說源委上耳就焉儲養啟聖吉之力也

成化丁未八月成辰朔戊子憲宗賓天

己丑頒遺詔

甲午禮部右侍郎倪岳等卜山陵

九月寅上即皇帝位大赦詔曰維我祖宗聖聖相承膺天

明命為華夷主其創業守成神功聖德誠度越往古矣暨我

皇考大行皇帝嗣統深仁厚澤履冒海隅二紀於茲而憂

勤求治之心猶宵旰靡遑因臻違豫遽出綴衣忍聞憑几之

言猥以神器之屬哀疚方殷固知攸措時親王文武群臣下

及耆老軍民合詞伏闕勸進至於再三乃遵遺命九月六日

祇告天地宗廟社稷即皇帝位顧茲付畀之重深懼仔肩之

難勉圖弘濟一惟恢張治道惠綏黎元用底阜成躋於熙皞

庶衍皇明億萬年無疆之祚其以明年為弘治元年夫當居

正體元之初宜布更新恤下之典合行事條開示於後云云

於戲祖宗皇考大經大法啟佑我後人者纖悉具在繹思

體行在於躬躬尚賴遐邇宗親內外忠良同德一心恪恭乃

事以輔予之不逮誕告多方咸使知悉

丙午工部以甫詔寬恤喪儀物料不便取民乞如天順八年

例發內府見儲從之

丁未通政司事禮部左侍郎李孜者太常寺卿鄧常恩趙玉芝凌中顧玘顧經曾克彰黃大經江懷李成等被劾成甘州等衛太監梁芳韋興陳善降南京御用監少監閑住都督周知萬喜降指揮使都指揮同知萬達指揮同知萬祥降副千戶署太醫院事通政使施欽仲蘭降太醫院使任義章滿劉文泰降院判鄭文貴降御醫蔣宗儒錢宗甫降醫士胡廷魚刑秩法王領占竹札巴堅叅等佛子釋迦啞兒答國師捨刺星吉等下禮部審處俱禮科給事中韓重監察御史陳敷等所劾

申刻金星畫見

戊申上御西角門視事

賜寧王唐王瀋王慶王周王襄王鄭王岷王肅王遼王蜀王楚王晉王淮王代王伊王魯王各三百金紵絲羅十五雙紗十五匹錦三匹鈔三萬貫德王崇王吉王徽王荆王趙王韓王鎮安王白金錦同紵絲羅紗殺其五鈔二萬靖江王二百金鈔一萬餘同吏科給事中王質等上四事斥異端罷進獻汰冗官禮大臣上以異端冗官進獻已議之召見文武大臣朕自處置其

丁未^署通政司事禮部左侍郎李孜者太常寺卿鄧常恩趙玉芝凌中顧玘顧經曾克彰黃大經江懷李成等被劾戍甘州等衛太監梁芳韋興陳壽降南京御用監少監閑住都督同知萬喜降指揮使都指揮同知萬遠指揮同知萬祥降副千戶署太醫院事通政使施欽仲蘭降太醫院使任義章淵劉文泰降院判鄭文貴降御醫蔣宗儒錢宗甫降醫士胡廷黃刑秩法王領占竹札巴堅叅等佛子釋迦啞兒答國師捨刺星吉等下禮部審處俱禮科給事中韓重監察御史陳穀等所劾

申刻金星畫見

戊申上御西角門視事

賜寧王唐王瀟王慶王周王襄王鄭王岷王肅王遼王蜀王

楚王晉王淮王代王伊王魯王各三百金紵絲羅十五雙紗

十五匹錦三匹鈔三萬貫德王崇王吉王徽王荆王趙王韓

王鎮安王白金錦同紵絲羅紗殺其五鈔二萬靖江王二百

金鈔一萬餘同

吏科給事中王質等上四事斥異端罷進獻汰冗官禮大臣上以異端冗官進獻已議之召見文武大臣朕自處置其

衰老許自陳

南京吏部

主事夏崇文考滿入京上言簡學行名臣備

講讀仍使殿大書舊章故事於屏使觀覽更遠邪佞裕府庫

裁光祿冗費革賦役宿弊放珍禽奇獸禁奇技淫巧省匠作

整軍馬城裡河舡隻去異端邪術則聖德脩朝廷正矣

上是之

雲南道御史向榮上言法王佛子假延壽之名供具侍從倍

於王侯近日先帝不豫文武臣庶皆齋戒一心分詣各觀

設醮誦經竟不能少延一日之壽以慰臣下迫切之情則不

足信明矣乞方士之類盡行送逐上以成事寢之

唐成賜文武群臣軍民人等銀幣

安南國王黎灝入貢以大喪免引奏宴使臣歡樂

南京光祿寺卿雷澤卒定襄人天順八年進士

暹羅國王哈勃刺略坤息利尤地亞入貢上金葉表使臣坤

江悅等言本國番書與回回書互用近者請封金葉表及符

檄間有同異乞賜辨而番書不易請命止用回回書

辛亥作茂陵內官監太監黃順御馬監太監李良太傅兼太

子太師保國公朱永工部左侍郎陳政督工

壬子南京戶部尚書潘榮致仕
進士李文祥授咸寧縣丞文祥浮薄試之南京吏部主事夏
崇文以為言不納
甲寅宣府龍門衛地震夜萬全郡司地震俱有聲
乙卯上五大行謚憲宗繼天疑道誠明仁敬崇文肅武宏德
聖孝純皇帝

丁巳魚臺縣丞徐頊上言
先母后舊痛未申請追謚遷塋
且詰萬喜等罪籍其產下廷議於是禮部等乞令中官密訪
萬貴妃近御人等求其確又逮萬氏戚屬曾入宮者下詔獄

訊問上以兩宮明諭諸浮言置之初萬安劉吉懼私謂

尹直曰我絕妃家跡久矣幸上慈明不追獄

戊午頒謚詔

己未山西右布政使王繼為右副都御史巡撫福建

庚申城廣昌縣

脩仁壽等宮

工部右侍郎張悅脩京通倉

辛酉總督漕運右副都御史周鴈復丘姓

翰林編脩王鏊為侍講

夜月犯御女星

癸亥罷御馬監把總都督同知李玉白玉以傳奉也

乙丑旱災免臨沅夏稅輦昌糧芻

丙寅賜哈魯衛左都督罕慎織幣二及甲冑弓矢并勞使臣
指揮使滿刺阿力克等及赤斤罕東等夷兵

土魯番兀也思太子兀也思王等公主貢馬

汾州天鳴有聲

召太監懷恩於鳳陽仍司禮監

十月朔盡罷傳陞官右通政任傑等五百六十四人其額內

見任仍留餘降調閑住太常寺少卿顧綸博士成復亨寺丞

蕭崇玉廟官吳猷俱邪誑戌榆林

傳陞僧錄司禪師兼左善世等百二十人道錄司真人高士

兼左演法等百三十三人俱削禪師真人高士封號閑住并

奪真人所賜玉冠玉帶玉圭銀印

傳陞大慈恩寺法王佛子國師等四百三十七人及刺麻人

等七百八十九人俱食大官供盡奪秩遣回追奪誥勅印章

儀仗

傳陞匠官工部右侍郎荆鋼太僕寺卿楊通順天通判周禮

興等十二人營繕所等官王貴等千三百五十八人命降錮
順天府治中通判餘通降文思院軍器局副使九品下俱奪
秩
己巳大理寺左少卿楊理陝西布政使梁璟並為右副都
御史理巡撫河南璟巡撫湖廣兼贊理軍務
直文華殿大理寺卿朱奎太常寺卿任道遜被劾許致仕奎
道遜俱國子生善書傳陞

庚午鎮守延綏總兵官都督同知魯鑑致仕

甲戌戶部左侍郎王儼為南京戶部尚書南京吏部左侍郎

黎淳為南京工部尚書南京禮部右侍郎侯瓚為南京戶部

左侍郎南京大理寺右少卿吳道宏為南京大理寺卿

陝西都指揮使陳輝為署都督僉事靖副將軍總兵官鎮

守延綏

夜月犯木星

乙亥上聖慈仁壽太皇太后皇太后尊號

夜大星自昴宿派北河光燭地尾跡化白氣如蛇曲

丙子立皇后張氏頒詔

傳陞通政使任傑李景華太常寺卿陳敬太僕寺卿楊杞各

降都司經歷光祿少卿干信工部郎中朱義尚寶少卿嚴勳
降外衛知事餘四十七人降布政司照磨都司及長官司吏
目八星
丁丑罷左府都督同知李俊

戊寅漕運總兵官署都指揮使都勝為中府署都督僉事
己卯即廣東封占城國王王子古來為王護歸國勅安南還其
侵地初給事中李孟賜行人葉應受使而古來以安南奪國
奔廣州命南京右都御史屠濬往議濬奏占城一州二十五
縣安南盡之成化時入訢始歸邦都郎馬那里等四州五縣

又以一州三縣與叛臣提婆皆提婆皆死欲盡與其子而古
來子蘓麻及頭目萬人方固守待復遂有是命
武城後衛改茂陵衛

壬午夜月犯昴宿西星

癸未左府都督同知王瑛致仕

甲申裁南京僧道錄司教坊司官

丁亥少師兼太子太師吏部尚書華蓋殿大學士萬安免安
寡廉鮮耻上宮中檢遺篋皆媚術悉署曰臣安進使太監
懷恩示之大慚猶覲位御史姜洪湯鼐等彈之使懷恩示安

展讀聽泣不言去安摘其牙牌而出乞休給廩役在道猶夜
望三台星觀復召

戊子刑部尚書杜銘劾罷

汰傳陞錦衣衛官通降有差

己丑衍聖公孔弘泰入朝

壬辰工部恭恪莊僖淑妃紀氏尊謚孝穆慈慧恭恪莊僖崇

天承聖皇太后

癸巳吏部左侍郎兼翰林學士徐溥直文淵閣

賜各邊吏卒人二金凡六十一萬五千三百二十餘金

停刑

夜大星自卷舌長丈餘沫至奎宿

甲午旱災免永平夏麥

乙未趙府臨漳王見道乞祭墓暫許之

十一月丙申朔頒弘治曆

戊戌進士鄭鵬林廷玉祝徑王璽葉紳鄭宗仁魏玘胡瑞王

綸孫孺張朝用劉孟楊瑛盧亨魯昂胡金季潭韓祐龐泮柴

昇為給事中

裁京通倉場總督太監淮安徐州臨清倉監督內臣

宣府副總兵都督僉事江山致仕

國子監生楊璽上事崇大化殷周祖廟居中子孫昭穆各

有門堂寢室墻周之今太廟祖宗同殿父生子立姑尊婦

早禮也皆坐未安乞做殷周改奉歲享曰尊聖道孔廟從祀

顏路淵之父曾皙參之父孔鯉伋之父孔弗伋之叔子姪列

正殿父叔在兩廡似失序乞別祀叔梁紇顏路曾皙孔鯉孔

弗侑之國學周池建橋復古制曰肅風紀進士教官監曰重

守令九年曰慎選舉曰便鹽課四川鹽井量地許選科道

心數永昌石章下所司遠近龜戶自納通鈔法正人

辛丑吏部尚書李裕劾免

癸卯右都御史劉敷劾免

甲辰設浙江孝豐縣隸湖州

乙巳起王恕吏部尚書南京兵部尚書馬文升為左都御史

南京禮部尚書耿裕改南京兵部尚書戶刑部右侍郎李嗣

程宗俱左侍郎巡撫左僉都御史葉淇為戶部右侍郎

右副都御史彭韶為刑部右侍郎

己酉南京陝西道御史繆樞等上事勤正學擇正人直閣

學士尹直禮部侍郎黃景都御史劉敷通政司參議陳琬大

僕寺卿李溫少卿林鳳大理寺丞宋經侍郎萬翼通政張

苗太常少卿牛綸尚書杜銘鴻臚寺卿周嵩復舊制內官供
應天府尹于冕署國子監事太常寺卿徐瓊內府
罷派設鎮守分守子備務節儉慎名器上是之

辛亥鄭府朝邑王祈鏐薨子靖王年五十五謚榮簡

癸丑直閣兵部尚書兼翰林學士尹直禮部左侍郎黃景被

劾免直給驛

甲寅曉刻大風霾

乙卯進劉吉少傅兼太子太師徐溥禮部尚書兼文淵閣大

學士少詹事劉健為禮部右侍郎兼翰林學士直文淵閣

少詹事兼翰林侍講學士楊守陳為吏部右侍郎右春坊右

庶子汪諧左春坊左諭德程敏政俱少詹事兼翰林侍講學

士左右諭德傅瀚陸欽左中允周經俱太常寺少卿兼侍讀

學士李傑左庶子仍兼侍讀學士右諭德謝遷吳寬俱左庶

子兼侍讀侍讀董越侍講王臣俱右庶子兼侍講太常寺卿

兼正字謝字為工部右侍郎署通政司事

夜順聖川地震有聲

丙辰署國子監事禮部右侍郎丘濬為禮部尚書署詹事府

事吏部左侍郎劉宣為左侍郎濬進所著大學衍義補百六

十卷上善之賜金幣刊於福建

陳龍正曰觀大學衍義補益覺衍義之精簡動人真經筵
之善物也丘書泛漫冗雜殊無啟沃使人主流覽至此豈
不虛費心目之力哉欲當類書備稽問又嫌未詳正晦翁
所謂記誦之習其功倍於小學而無用者惜哉故儒者無
反約之功不可以著書不足以事君

丁巳巡按直隸御史湯鳳請講祖訓及典謨訓誥貞觀政
要通鑑綱目大學衍義等書又太監蕭敬李榮宜罪傳奉官
宜遠戍致仕尚書王竑王恕巡撫都御史彭韶致仕金事章
懋等宜擢用章下所司時李榮調孝陵神宮監

戊午逮前少監梁芳韋興陳喜及遣戍李攸省鄧常恩趙玉
芝吳猷黃大經黃越下錦衣獄以印綬監太監蔣琮等言其
假創寺觀廟塔糜帑無算罪浮於罰

辛酉工部右侍郎張悅改禮部右侍郎

壬戌禮部尚書周洪謨等上言成周以后稷為始祖文武為
世室百世不遷餘三昭三穆以次而祀宋以僖祖為始祖太
祖太宗百世不遷於時僖祖祗遷雖曰異議而程頤朱熹皆
以奉僖祖為正國朝尊德祖為始太祖太宗如周文武
懿祖以下遞遷今憲宗純皇帝當升祔德祖當祗宜

太廟寢殿後立祧廟歲暮禘祭仍居舊位雖一時未及建暫以之德祖主奉德祖室內之左西向亦古所謂毀廟之主藏於太祖之廟也又周禮春官大司樂之職歌中呂舞大濩以享先妣謂姜嫄也是帝嚳之妃后稷之母故特立廟宋則元德懿德二皇太后俱享別廟章獻章懿二皇太后奉慈殿歲五享今以孝穆皇太后祔茂陵於奉先殿旁皇改別廟歲享如太廟奉先殿之儀從之少詹事楊守陳議德祖不祧謂百世之祖非也孔子曰祖有功宗有德唐虞之文祖尚矣夏之顓頊既帝而鮌無功故始禹殷之契周之稷皆有大功

故其廟不遷漢及魏晉之祖無功皆以創業為始祖李唐上祀四世宣簡公懿王元皇帝而其祖景皇帝實有功號太祖趙宋亦祀四世僖順翼宣四祖以藝祖開國號太祖凡太祖必配天歷世不遷唐至中宗祧宣簡於夾室玄宗仍復宣簡謚獻祖懿王謚懿祖至肅宗并祧獻懿德宗又祧元帝於是太祖居第一室禘禘則獻祖居尊東向而太祖在昭穆之列後卒遷獻懿不禘宋至神宗祧僖祖於夾室王安石仍復僖祖為始遷順祖於夾室哲宗祧翼祖徽宗祧宣祖寧宗并祧僖宣二祖別立祧廟於是太祖居第一室禘祭東向則凡號

太祖必配天百世不遷國初立四親廟仁祖配天固未嘗
以之德祖擬契稷也太宗尊高皇帝為太祖以配天
仁祖不預意四祖親盡則祗而太祖當如夏禹漢高也
在禮太祖即始祖高皇帝既號太祖又始德祖始祖永
南向常尊太祖永東西向常卑非禮也憲宗升祔請併
祗德懿熙三祖自仁宗下為七廟異時祗盡太祖擬
契稷時享尊太祖祔祭尊德祖庶無悖禮上從之
癸亥起服兵部右侍郎萬翼道引疾去
甲子巡按直隸御史上事正君心務聖學納諫諍辨邪正

禁近習黜異端

除內府佛
舍胡像

省進奉慎始終章下所司

十
肱
戊
辰

憲宗

純皇帝之喪

百日禮部請如制易服

上素

服如故

琉球國中山王尚真入貢

增臨沅鞏昌通判治屯田水利

曉刻木稼

己巳巡撫四川右副都御史劉璋為工部右侍郎廣西按察

使閔珪為右僉都御史整飭薊州兵備兼巡撫順天巡撫山

西右僉都御史左鈺改巡撫大同督理軍務

庚午右春坊右庶子兼翰林侍講董越工科右給事中王敞
使朝鮮侍講劉戡刑科給事中呂獻使安南俱頒詔
辛未賑江西旱災減田租有差
故制勅房山東布政司左叅議
凌暉贈太常寺少卿予
祭歸其喪舊直東宮

癸酉設贛州叅將兵備副使

丙子監察御史曹璘請上行三年喪孝養兩宮萬貴妃有

罪宜告於先帝遷塋削謚上以喪養朕所自盡遷塋削

謚其止勿復言又進士上虞潘府奏行三年喪曰子為父臣

為君皆斬衰三年漢文帝遺詔短喪景帝苟然晉武帝欲行
不能魏文帝行之不盡宋孝宗銳然復古然行於上不能行
於下今乞力排群議斷自聖心定為三年之喪不廢禮朝
不廢政使天下萬世仰為綱常之共主顧不偉哉跡上衰經
待命閣議左之禮部右侍郎倪岳獨是其言定儀注三年不
鳴鐘鼓不受朝賀朔望宮中素服

林之盛曰潘南山先生之品故有定論其宦蹟抑何磊磊
也予嘗謂先生請行通喪羅文毅諫奪情俱翔起本朝百
年一人然非我孝皇又何能採用其說哉

戊寅一憲宗純皇帝梓宮發引廣寧伯劉璇都督陳瑛等護
喪有悍少入甲隊中殺人後御史陳璧疏劾

壬午葬茂陵孝穆皇太后祔塋

未刻大風霾

癸未撫治郎陽右副都御史何經疾去

甲申勅戶部主事楊奇經理邊儲

丁亥國子助教范寬滿九年考加翰林檢討

己丑憲宗主祔太廟次宣宗東向

巡按直隸御史曹璘上十事修聖學納諫諍釋怨女慎將領

謹細微三千營節財用寬租賦息異端惜名器指揮袁輅章

下所司

唐王芝址薨年五十四謚曰莊

庚寅四川右布政使謝士元為右副都御史巡撫四川南京

大理寺左寺丞翟瑄為右僉都御史巡撫山西兼提督鴈門

等閑

辛卯奉孝穆皇太后主於奉慈殿

左春坊左諭德署國子司業費閏為祭酒福建左布政章格

為南京光祿寺卿南京兵部職方郎中李應禎為南京尚寶

司卿
李孜省死於獄
癸巳旱災減湖廣田租十之六
丙申進吏部尚書王恕太子太保

戊申弘治元年

正朔申朔
上謁奉先殿朝

兩宮出御奉天殿受朝

丁酉御奉天門視事

庚子南京太僕寺丞長洲文林上
事開言路謹好惡率舊

章簡賢才崇寬厚勤政事飭武備命詳議以聞

癸卯翰林侍講劉震為右諭德署國子司業

丙午上南郊還謁
兩宮御殿行慶成禮不宴

賜群臣休沐十日

庚戌江西派盜二千餘人寇信豐會昌廣昌殺廣昌知縣莊

英

夜月犯軒轅右星

壬子太子太保兵部尚書余子俊上四事均選法廣儲積脩

武備慎刑罰上善之

甲寅召前太常寺卿童軒署欽天監事以監副吳昊薦

貴州布政司左叅政鄭時為左副都御史撫治鄖陽時前巡撫陝西

降叅政

監察御史湯鴈乞申明律例并劾禮部尚書周洪謨附權右侍郎佩

弔太監黃賜母喪左侍郎張悅服醜裙南京兵部尚書馬文

升繼子奢淫萬安尹直去少傅劉吉在位且大明黜陟上

不問

乙卯南京戶部尚書王傑黎淳調南京吏禮部尚書

朝鮮貢使沒於通州歸其喪

臨潼知縣徐鏞為淮安知府姬州判官劉昂為叙州知府

丁巳南京光祿寺

署正李浩上所募通鑑斷義賜紵紗

己未考察武職鎮守等官於是鎮守寧夏東寧伯焦俊湖廣

都督同知馮昇貴州都督僉事吳經等皆罷

庚申南京刑部尚書何喬新改刑部尚書

曉刻日犯南斗

壬戌趙鑑求嗣祖昌寧伯以涿縣止襲錦衣衛指揮使

西寇塞靈古北口

西「寇靖」蘭州守備都指揮廖斌等禦卻之斬三十七級
癸亥伏羌伯毛銳為平蠻將軍總兵鎮守湖廣陝西都指揮
同知傅泰為征西將軍署都督僉事總兵鎮守寧夏前府都
督僉事彭倫鎮守貴州

甲子禮部以左副都御史邊鏞禁賜蟒衣爾雅云蟒者大蛇
非龍也蟒無角無足龍則角足且馬今織蟒俱為龍遂禁賜
并織者

琉球例二年一貢入自閩今自浙具非期卻之
乙丑作茂陵祭器

左都御史馮文升等言岳鎮海瀆等祠廟皆前太監及奸人
鄧常恩作石函周函符篆內貯金書道經一卷金銀錢寶石
各數枚五穀各一升為壓鎮又刻祝文於石恐損先德令
有司毀石函石碑從之

戶部員外郎張倫言二事曰惜爵賞內臣輒賜蟒玉大臣梳
進師保恐示人以僭曰免差遣盜賊妖言每差官校滋擾令
後惟責撫按勘報并罷東廠報聞

閏正丙寅朔上御奉天殿受朝朔望御殿自此始
巡撫順天右副都御史彭韶乞減大興宛平昌平郭縣之役

蘇民困從之

丁卯宥方士鄧常恩趙玉芝死戍邊鎮夷所肅州衛又濟寧

指揮僉事

崔鳳鴻臚寺主簿樂清謝轉掌靈濟宮莆田吳猷太常少卿

麻城黃大經子鴻臚寺丞越並逮宥死戍邊

前指揮使張紀指揮僉事任義千戶馮宇沈達戍鉄嶺衛百

戶楊春鎮撫徐昌袁凱等戍開平衛初太監梁芳韋興張軒

莫英陳喜皆獻珍珠見幸自是京師效之紀等日採獻一珠

直數十金言官劾其弊

戊辰脩純皇帝實錄太傅英國公張懋監脩少傳大學士

劉吉尚書徐溥禮部右侍郎劉健總裁禮部尚書丘濬吏部

右侍郎楊守陳少詹事兼翰林侍講學士汪諧副總裁程敏

政等纂脩召南京翰林侍讀曾彥楊守陞予告左諭德林瀚

侍講謝鐸編脩張元禎江濶宅憂侍講學士李東陽右諭德

陸簡編脩梁儲劉忠鄧恢張天瑞檢討楊時暢東陽侯服除

至

己巳左都御史馬文升上十五事曰撫按各舉屬吏不公則

連坐曰贓吏有罪不許虛詞撫按原問官曰按察司官擇兩

京法司屬官曰分巡分守徧歷郡縣曰巡城御史嚴逐左道

邪術曰舉監考選州縣與進士相兼至兩司知府慎選部屬
為之曰禁天下科罰害人曰戶部歲覈天下官軍及王府祿
糧并稅銀課鈔等曰查京省寺觀僧道毋私創溢額曰初戶
禮工部核內府供用其增其減著為定例曰清軍造冊送部
上命行之

嚴部符惟鎮守巡撫總兵得給驛餘繳入

庚午雲南按察僉事林淮以便養改常州教授

吏部右侍郎楊守陳請開經筵日講午朝召對上許之

辛未河南按察使張鼎為右僉都御史巡撫保定兼提督紫

荆關舊設巡撫至是復之

癸酉設茂陵祠祭署

鹽商無子許親屬代支如前

乙亥山西按察使雍泰降湖廣布政司右叅政雍嘗提太原

知府尹珍被訐下獄

增南京工部郎中毛科特勅理沿江蘆課自鎮江至九江

丙子致仕監察御史強珍南京刑部員外郎林俊為山東雲

南按察副使

庚辰進士馬政劉良朱綬鄭宗載范紳胡承祝福紀鏞陳端

黃玄齡為翰林檢討教諭徐月彭美李鐘周政萬鎬劉璉汪
成馬能楊埶董嘉言為待詔監生劉傲馮經丘永董森李儀
楊本清閻璟王士衡王璵夏綱為中書舍人將直興王出
閣
雲南水災免黑琅二鹽課司積員

辛巳江西信豐獲盜二百七十九人刑部郎中往鞫梟首盜
餘戎邊

癸未錄註誤請廢官前員外郎請知州劉淳彭綱邵賢前主
事請通判董序高鑑張景石巍趙明蘓章佟珍前中書舍人

請銜經歷楊士敬前郎中請知州朱紳鄭宏劉紳前員外郎
請通判董寧前學士請霍州州知焦芳前天府丞請

府同知黃傑

甲申命太監蔡用往廣西訪孝穆太后親屬仍勅總鎮兩
廣太監韋眷總督右都御史宋旻總兵安遠侯柳景等同訪
之

丁亥宮人羅氏效勞久封佐勝夫人誥一品玉軸

山東河南山西陝西直隸災傷多減免定今年每石徵一金
庶貢罷浙江蕪湖荊州抽分御史

甲午賜故司禮太監懷恩顯忠祠內臣立祠自王振劉永誠
後為殊典章吉章恭之賢亦有之餘祠寢廣祭塋尤濫
二月未朔南京御史吳恭等請用王恕直閣上以蹇義王直
王翱故事用恕言無不聽直閣始已之

定朝臣考察自欽天監外五品下悉聽吏部考課太醫院以
科道知醫者同院使院判品定

丁酉占城國王古來入貢

戊戌昏刻壽星見南方色赤黃

己亥黃塵四塞

辛丑興王岐王益王衡王雍王出閣就學

遣御史主事督崇文門南京上清河稅課餘委郡縣佐貳官

壬寅南京右都御史屠滄總督兩廣軍務兼巡撫福建左布

政使秦紘為左副都御史總督漕運兼巡撫鳳陽山東河南

左布政使徐貫蕭楨為右副都御史廣西貴州按察使許進

錢鉞為右僉都御史貫巡撫遼東進巡撫大同兼督理軍務

禎巡撫陝西鉞巡撫山東

普令問刑官讀律詳讞

癸卯戶部尚書李敏言勞苦莫如農夫蠶婦請藉田時令農

夫十人常服終畝從之仍入賜正布
甲辰晉世子竒源母喪乞廬墓勅止之

談遷曰 孝皇百日不釋服而於晉世子廬墓則止之允
愜人心矣矜竒者何為

乙巳鶴慶軍民府知府張海為順天府尹南寧知府楊守隨
為應天府尹

丁未 上耕藉田文武大臣行五推九推禮教坊陳雜伎其
語狎左都御史馬文升正色曰而曹第陳田家作若使新天
子知艱難而藝猥何也叱去之

封哈密衛左都督罕慎忠順王兵部言哈密甘肅孤懸河外
太宗設赤斤罕東等衛領袖西戎又設哈密衛封脫、忠順
王鎖鑰北門然後甘肅獲寧脫、之孫亡嗣以其甥把塔木
兒為都督殺於土魯番子罕慎襲都督克復故城國人再請
封宜如脫、故事從之

監察御史徐瑁賀霖下錦衣獄 上藉田觀者填道瑁霖督

捕失承旨

辛亥左春坊左諭德張昇為左庶子兼翰林侍講

壬子曉刻金星犯壘壁陣西星

丙辰禁朝臣私札請託

遣廷臣分祭 祖陵皇陵孝陵徐王楊王墓岳鎮海瀆歷代帝王孔子真武等神及各藩先生

丁巳先是御馬監左少監郭鏞請預選淑女服除立二妃左春坊左庶子兼翰林侍讀謝遷上言六宮之制固所當備而三年之憂豈容頓忘今山陵未畢諒陰猶新奈何遽有此事必進言者諛詞動聽廣嗣續綿本支臣竊以為過矣陛下春秋向盛天必降休維熊維羆不期然而然何汲、為此哉禮部覆從之

史臣曰郭鏞請預選宮女諸王館習禮待服闋冊封二妃

廣衍儲嗣不為無見而謝遷乃進此諛詞獻諂以悞孝

廟繼嗣之不廣皆邪謀啟之也此正德改元即立三宮遷

適當國略無一言其奸鄙之跡甚明蓋以今日之立為是

遷實不能復肆昔之邪謀矣古者諸侯尚一娶三姓備九

女以廣繼嗣孝廟以萬乘獨不得立三宮可乎小人圖

勢利而不為國謀如此識者恨之

談遷曰謝文正諫選淑女非禁之也謂稍緩耳所云禮制

既終徐議其事持說甚當今以繼嗣不廣追咎文正時

孝皇初載安能逆知其獨子哉此必焦芳懟筆不足辨特
以見吹索之無已也

浙江景寧縣屏風山有物如馬色白萬餘首尾相啣從西南
石牛之浮空而遠半日始滅父老樂乘高言正統間亦然
朝鮮國王李瑋入賀兩宮尊號及皇后貢方物
辛酉勅太傅英國公張懋少傅大學士劉吉知經筵事大學
士劉健同知經筵事禮部右侍郎倪岳少詹事汪諧程敏政
太常寺少卿兼翰林侍讀傅瀚陸欽周經祭酒費閏左庶子
兼侍讀學士李傑左庶子兼侍讀張昇謝遷吳寬右庶子兼

侍講董越王臣直經筵侍講太傅保國公朱永襄城侯李瑾
太子太保吏兵部尚書王恕余子俊戶部尚書李敏太子少
保禮部尚書周洪謨署太常寺太子少保禮部尚書劉爰署
詹事府禮部尚書丘濬工部尚書賈俊左都御史馮文升署
通政司工部右侍郎謝宇大理寺卿馮貫侍班侍講王鏊脩
撰王萃李旻編脩張潔楊傑劉忠子材徐鵬展書

甲子逮南京錦衣衛指揮僉事章瑾瑾媚梁芳專市寶石盜
幣亡筭傳陞錦衣尋調南京至是被劾下獄永成肅州
大寇廣寧擊敗之

是月山東右布政使夏寅卒寅字正夫華亭人正統戊辰進士力學善治嘗任浙江右叅政分守處州大檄下盜立散陳善曰傳稱隨會善弭盜盜潛奔楚彼岷強山澤間教化所不能馴一聞夏公檄輒解散孰謂盜不可化誨哉政信於頑民化行於強梗若夏公今之隨武子矣

三月丑朔命吏兵部每季進職名略節粘文華殿便覽

戊辰太子太保吏部尚書王恕請幸學釋奠用幣太牢分獻官陪拜從之改分獻曰分奠

庚午南京禮部員外郎羅璟為福建按察副使霍州知州焦

芳為四川按察副使俱督學

夜廣西融縣大雨雹壞城舍

癸酉上幸太學釋奠御彛倫堂祭酒費闋講訖命惟天聰

明節司業劉震講乾卦大人天地合德節

刑部郎中潘淇普安州判官王徽為四川陝西布政司右叅

議

乙亥乘冰渡河寇蘭州安會都指揮廖斌等擊敗之斬三

十七級

南京考功主事儲燿薦謫籍普安州判官丁璣潛心理學刻

意躬行景東通判張吉學博行端河西縣丞教毓元賦性介
直思南通判王純議悖氣鯁全棄之嶺海變燹之間毒霧瘴
氛與死為隣臣竊痛之又見咸寧縣丞李文祥敢言裨政而
大臣陽培陰挫臣謂五人既直言干前寧變節干後與其施
求敢諫之士不若先用已試之臣伏乞置風紀之地丰采必
有可觀取裕在南京聞而重之

丙子開經筵宴諸臣左順門賜金幣有差自是每月二日講
文華殿

丁丑始日講亦朝畢御文華殿閣臣侍班為常

岷府江川王音塾以武岡瘠隘許遷寶慶

戊寅賜故齊廢人賢焯子三人孫二人名增宅資婚嫁

己卯定左順門午朝

壬午致仕南京吏部尚書錢溥奏成化十一年十一月八日

立皇上東宮二十五日詔至南京臣時翰林侍講學士迎

詔朝陽門孝陵瑞雲如蓋曾獻禱應頌乞付史館從之

癸未前巡撫保定右副都御史葉冕率上虞人正統十年進

仍通邸報以禮科都給事中李孟賜之言初張璵泄旨禁之

丁亥裁大理寺右評事四人罪因例不解右寺

己丑勒南京守備太監錢能閑住母入京

庚寅南京內園火又狂人叩長安右門大呼良久而遁

辛卯壽州知州劉槩上四事總攬大權存恤大體頻御經筵
大開言路 上納之

壬辰考察朝臣降斥有差

四丙申增廣東按察副使整飭瓊州兵備

戊戌國子監生張裕言各邊鎮守守備內臣宜如舊河南等
內地宜罷又有司行鄉飲禮或濫舉豐飲乞停止部議先撤
廣東鎮守太監韋眷申明宿禮從之

庚子工部右侍郎劉璋脩京通倉

辛丑琉球國官生蔡賓從貢使入南雍以祭酒劉宣加恤令
為吏部侍郎乞通贊謝許之

壬寅招撫山西垣曲陽城等饑盜五千餘人擒魁惡八百餘
人錄有司功

先是尚寶監奉御姜榮以用寶奉天門忿歐署尚寶司左通
政李溥至鼻血隱之司丞胡恭以語中書舍人孫廷臣發其
事并逮榮置對杖二十降小大者溥閑住恭廷臣贖杖徒還
秩

癸卯分守代州兼提督鴈門等關都督僉事周璽鎮守陝西

乙巳琉球入貢

己酉巡撫雲南右副都御史章律為南京左副都御史

庚戌致仕太常寺卿章軒召至仍署欽天監事

禮科給事中張九功乞正祀典曰朝廷常祭外釋迦牟尼等

佛三清三境九天應元雷聲普化天尊之祭金玉闕真君元

君神父母神母之祭諸宮觀有水官星君諸天諸帝之祭非所

以示天下禮部覆從之凡齋醮遺告并東岳真武城隍靈濟

宮仍祀如舊章二徐真君帝號仍舊封江王饒王追毀衣冕

辛亥豐潤伯曹振提督操江

甲寅天暑釋輕囚

丁巳湖廣按察使楊繼宗為左僉都御史巡撫雲南視篆之

日除公禮畢降階再拜曰明日宰相諒即跡貪酷八人為民

土官襲秩鎮守三司勒保勘銀承行吏齋本人俱索厚賄沿

為例皆奏治之

茂陵成

庚申天壽山雨雹

辛酉復^追廣東左布政使陳選官仍抵太監韋眷刑部員外郎

李行巡按御史徐同愛罪工不問

壬戌右春坊右庶子兼翰林侍講王臣請工御經筵無聞

大寒暑報聞

五月朔左都御史馬文升言陝西通甘涼之路止蘭州浮橋

若賊數千據河橋則斷糧援乞預計之下兵部議行

丙寅勅刑部右侍郎彭韶巡視浙江初嘉興百戶陳輔作亂

糾衆劫郡庫釋囚大掠趨太湖捕之急自刎死

犯宣府永寧城殺掠

四川嘉瀘切南溪內江洪雅地震瀘州長寧雨雹

戊辰卯刻木星見

庚午卯刻金星見

辛未吏科給事中林廷玉請時召九卿詞臣虛心延訪仍設

給事中御史各二人侍班防欺諛章下所司

前南京吏部尚書錢溥字原博華亭人正統己未進士

王振試蕃薇露詩授檢討歷侍讀學士使安南尋坐累謫順

德知縣成化初復官南京至尚書和易通敏工詞翰而嗜進

輕脫士論弗重也賜祭葬謚文通

無錫人陳公懋上所著書穿鑿悖理焚而逐之

乙亥裁南京武職冗員

丙子南京雷震洪武門吻孝陵樹

丁丑昏刻月犯南斗

己卯考察閑住御史吳秀疑吏部侍郎楊守陳中傷奏辭削

籍

庚辰曉刻金星犯六諸王星

辛巳賜故南京左府經歷張黻告身敕赦林俊謫知師宗州

改南幕卒其父在特給誥榮之

壬午右春坊右諭德陸簡為右庶子兼翰林侍讀

乙酉初北上小王子率所部住大同近塞亘三十餘里至是

求貢書稱大元可汗勅大同守臣宣諭仍嚴備待之

丁亥太子太保吏部尚書王恕言臣聞之賈誼傳者傳之德

教師者道之教訓保者保其身體臣官以保為名誠愛陛

下誠志令講官時進講章玩繹閑燕亦足進學非必陳儀衛

設酒肴乃為經筵也初寒暑雨慎起居保聖躬亦不可不急

暫止經筵如天順成化間無所不可章下所司

戊子晉府承和王奇消薨年二十八謚榮懷

前巡撫河南右副都御史孫洪卒

昌邑人景泰五年進士有幹局歷任有聲

曉刻月犯昴宿

己丑大理寺左少卿李介為左僉都御史巡撫宣府

存卹高墻廢人從宿州知州萬本之請

壬辰大理寺辦事進士董傑以王恕止經筵言經筵講學

祖宗舊典王恕特養舊知不聞將乃慮傷聖體恐費肴酒所
以待 陛下甚早失天下士大夫望

六癸卯朔日食

乙未監察御史湯萬疎致王恕怒皇恐辭歸 上勉出之恕

言臣蒙恩首擢日夜思報外人但見 陛下待臣最重望臣

太深欲臣如宋趙司馬光故事更張庶政時非熙豐臣亦何

人昨侍經筵臣等若汗浹背抑搔忍拭尚自不堪仰觀聖德

凝然不動切念臣下猶難何況人主當此血氣未定之時萬

一局頓是生疾病臣實不安諸臣論列臣罪臣不能辭乞罷

上復勉留之

左春坊左庶子兼翰林侍講張昇以天變脩省先於輔臣大

學士劉吉偃然固位傾結科道昏夜款門祈免糾劾由是人

無言其奸試舉一二言之貴戚萬喜等先燭肆行吉與締姻

及喜下獄猶為營救且父存各費父喪起復盛取艷姬請託

受賂上不能

禮科都給事中韓重御史魏璋反劾昇私怨誣詆降南京工

部員外郎

兩浙饑暫免綾紗紙札

丁酉襄王祁鏞薨年六十一謚曰定

鎮守寧夏總兵官署都督僉事傅泰卒

安肅人世金吾衛指揮使

唐子蕭縣進瑞麥十二本

南京工科給事中章玄應以父綸景泰間脩德弭災疏乞付

史館許之

壬寅巡撫大同右僉都御史許進乞驗放使定百五人入

京時貢夷千五百三十九人騾馬四千九百三十八使館

各京省歲造兵器減半輸納

甲辰南京戶科給事中方向監察御史黎鼎等劾大學士劉

吉徐溥及南京守備太監陳祖生成國公朱儀南寧伯毛文

尚書耿裕周洪謨侍郎倪岳呂震都御史邊鏞太常寺卿翟

瑛石通政陳琬太僕寺卿李溫少卿林鳳祭酒徐瓊通政使

張苗鴻臚寺卿周嵩少卿牛綸有旨止罷苗嵩綸

丁未寧陽侯陳輔荒淫下獄斥為編氓年十八

戊申吏科給事中林廷玉言十事曰核邊軍斬獲失律功罪
屬敵懷日出師嚴紀律戒科欽曰革在京諸司吏役頂首錢
曰納粟監生臨選分三等能文為上楷書次之否則為下上
中選視科貢下等冠帶閑住曰檢先留中跡付史館曰教官
俱鄉榜除授曰各處習儀拜御座戒騎至儀門設禮位曰收
窮民入養濟院曰妖僧繼曉未罪遂逮繼曉錦衣獄

勅左都御史馬文升提督團營

庶戎撤馬兒罕遠魯壇阿黑麻王入貢

曉刻火星犯六諸王星

癸丑遼府衛陽王豪堦薨年五十三謚靖僖

甲寅曉刻木星見

乙卯歸養戶科給事中賀欽遷陝西布政司右叅議辭不赴

因上四事資真儒以講聖學薦賢才以輔治道遵祖訓以

處內官興禮樂以化天下上是之

丁巳陝西山西河南海旱平陽西安河南懷慶多盜古墓命

巡按御史禁之

周府昨城王同慶薨年四十謚昭僖

戊午提督勇士中府都督僉事王欽梁宏以太監李良乞陞

被劾降都指揮僉事

庚申曉刻月金星犯鬼宿

七月戊朔毀方士趙玉芝父賜墓碑

丙寅翰林編脩張元禎為左春坊左贊善

馮陽州判官吳傑服闋於九年考滿虧六日吏部准考滿免

補凡不及一月俱做此著為令

貴州倉界四川湖廣輸納者俱貴州右叅政林迪提督賜物

戊辰寧府瑞昌王覲錫堯年四十六謚榮安

減浙江銀課汰冗員巡按御史河津暢亨以景寧災異言溫

虔銀課二萬二千二百四十餘金太監張慶加耗三千金屬

民有添設銀場叅議僉事縣丞等官詔銀課如舊裁其冗慶

亦誣亨他事誦黃梅知縣卒亨河津人道涇水開渠以利民

涇民祠之

陳善曰暢公按浙威聲暴人耳目至今猶凜、有生氣假

令彼折節貴寵即立致顯賸無難於今亦泯滅無傳焉善

仕者顧以彼易此哉

癸酉南京兵部郎中陳謙言揚子江多漁舡乞編籍令自相

緝捕從之命有司點視

甲戌增陝西按察副使王軾專西寧衛撫治番夷
定府部會議限半月報上急議限五日刑科給事中胡金言
其緩也

乙亥太子太保吏部尚書王愬以近賜內臣蟒服莊田宜裁
革上以舊勞置之

左春坊左贊善張元禎上三事定聖志存聖敬廣聖知上

納之

丙子曉刻金星犯軒轅火星

辛巳太常寺少卿蕪翰林侍讀陸鉞予告

癸未南京御史張昂以祭孝陵暴風雨上言言路闕矣而

扈蹕糾儀不免錦衣捶撻之辱聖學廣矣而封章繼進不能

回寒暑停免之說梁芳雖斥而祭祀尋已故之便嬖萬壽雖

懲而莊田准椒房之親屬方士浮屠雖遠而符書尚揭於宮

禁番僧旋復於京師技藝廁役雖革傳奉而千戶復陞張質

通政不去張苗段匹雖停仍織蟒衣斗牛寶石雖置時賜外

戚珍玩有一於此皆足害政乞以古人漸不克終為鑒上

納之

曉刻金星犯軒轅左星

密雲縣地震有聲

丁亥建平伯高遠卒

戊子巡按雲南御史何悌劾鎮守太監王舉貢金鍊寶石帽
頂命止之

曉刻金星犯靈臺中星

己丑戶部左侍郎李嗣刑部右侍郎彭韶並兼左僉都御史

清理兩淮兩浙鹽法

命疑獄詳讞

故太常寺丞廬陵蕭崇玉以符水幸服除會改元戊榆林潛

避南京獲之改戍鎮夷千戶所

庚寅周府遂平王同鏊薨年四十五謚恭安

辛卯兵部郎中陸容乞定武職陞轉之法照例薦舉不許營

求從之

八月辰朔罷五軍營左掖廣平侯袁輅右掖都督同知白玘

癸巳泰寧侯陳桓為征西將軍總兵官鎮守寧夏

丁酉南京左府都督僉事高俊卒

己亥巡撫甘肅右副都御史羅明言甘肅鎮守分子內外官
採辦乳造酥油等物貢犬馬珍奇道擾宜禁詔停之

曉刻壽星見丙位色赤黃
庚子給守祖墓庶人子女婚嫁金一鎰幣四羊豕四亦宿州
知萬本奏及

壬寅十數寇宣府獨石萬全

漢州茂州德陽石泉地震

癸卯禮科給事中張九功請孔廟斥荀况馬融王弼楊雄進
薛瑄少詹事兼侍講學士程敏政亦言罷馬融劉向賈逵王
弼何休戴聖王肅杜預祀鄭衆盧植鄭玄服虔范甯於御中
張申黨實一人宜存其一公伯寮秦冉顏何蘧瑗林放家語

不載宜罷祀或祀瑗於衛祀放於魯又后蒼有功於禮記宜
與王通胡瑗從祀顏無繇曾點孔鯉別立祠祀叔梁紇附之
及孟孫氏程珦朱松下禮部議尚書周洪謨等以楊雄洪武
中罷祀薛瑄著書尚未若黃幹輔廣之親承微言金履祥許
謙之親承緒說也漢立二戴慶普三家於學宮后蒼不與焉
王通僭經胡瑗教狹他如荀况等經 太祖詳定未敢輕議
上是之

石泉縣地復震

甲辰亥刻陝西山丹衛地震有聲

乙巳國子監生張時泰上續綱目廣義十七卷命梓之時泰
官秀水訓導

丙午南京監察御史陳嵩等請復張昇官不許

丁未巡撫寧夏右僉都御史崔讓疾去

戊申宣府葛峪堡地陷深三尺脩百五十步衛一尺

庚戌鎮守甘肅總兵官都督同知王璽卒璽世太原左衛指

揮司知習韜略在邊二十餘年頗著威望

辛亥犯獨石馬營

癸丑夜月犯井宿

乙卯曉刻月犯鬼宿

丙辰刑部左侍郎程宗為南京工部尚書

減雲南銀課二萬金

丁巳陝西左右布政使張璟為右副都御史巡撫寧夏

己未北伯顏猛可入貢

罷真定河間陸路築掘墻塹右僉都御史張鼎倡之南京守

備太監蔣琮言臣過德州勞民怨歎即檄止

庚申鎮守宣府都督僉事神英改征西將軍鎮守大同

曉刻火星犯積薪星

九月亥大司左叅將都指揮使李杲為署都督僉事總兵官鎮

守宣府

甲子刑部右侍郎彭韶為左侍郎仍兼左僉都御史巡撫順

天右僉都御史閔珪為刑部右侍郎時巡鹽御史鏡梅立見

哺即出歲課人不聊生華亭何孝上浙江參政稷山王樹書

條便宜數事衡善之彭韶乃重覈戶口除偽報者

乙丑北伯顏猛可王入貢仍稱大元可汗乞報使通和

許乞比例陞秩許之

涼州衛天鳴如雷

丙寅山東按察副使強珍為大理寺左少卿戶科都給事中

陳壽為右寺丞

荆府桐城王祐禫薨封使未至年十五謚懷僖

戊辰昏刻月犯斗宿南星

庚午監察御史曹英劾強珍陳壽之陞不叶人望上留珍

調壽南京光祿寺少卿

壬申始給督漕主事勅

癸酉夜火星犯鬼宿

甲戌裁運河沽頭主事南直隸巡河郎中

曉刻火星犯積尸氣星

丙子封誠泳秦王膺鉅岷王見準湯陰王見洸平鄉王鍾鏤
寧河王榮滅楚世子祐樞相城王同鏗鄆陵王訐滌西鄂王
當返歸善王見洲宜章王見寢繁昌王
授紀貴錦衣衛指揮同知紀旺指揮僉事賜田宅奴婢以
孝穆皇太后再從兄弟徵至京

辛巳江西左布政使徐懷為右副都御史巡撫順天

壬午陝西鳳翔回賊平

刑部尚書何喬新言舊制勘事遠人給精微批文赴所至官
司對驗然後行事今用駕帖既不合符真偽莫辨宜仍給批

文從之

丙戌金吾左衛副千戶徐瓚請代其父亨死下所司

己丑追贈孝穆皇太后三代俱中府左都督母俱夫人誥

特玉軸故事武臣一品金軸

魯府鎮國將軍陽鑿上六事其一考察長史等官吏部謂非
制特令同撫按考察不為例

十月辰遣官脩孝穆皇太后先塋於賀縣

甲午暫免午朝

丁酉國子生江紀乞補故祭酒胡儼僉都御史李侃高明贈

謚下禮部

詔兩京練營兵復勅湖廣四川河南飭備以多饑盜

庚子勘南京後湖灘田後湖中藏黃冊後於湖灘墾藝御史
余濬言之下戶部主事盧錦蕪其事而錦初與給事中方向
亦墾藝者守備太監陳祖生以聞下錦等獄甚實

癸卯旱災免開封夏稅

丁未晉府永和王竒清薨

解州天鳴

戊申久陰不雨監察御史王嵩等上五事中劾禮部尚書周

洪謨少詹事兼翰林侍讀學士程敏政右春坊右庶子兼翰

林侍講王臣並令致仕太僕寺卿李溫調苑馬寺卿

曉刻月犯天鐳西星

庚戌代王成鍊獻海東青大學士劉吉等請卻之上報代

王曰海東青不供田獵之用朕萬幾之暇惟留心經史講求
政治前詔止貢獻叔祖何不察也詩不云乎人之好我示我
周行禮記云私惠不歸德今歸所獻或忠言讜論時政裨益
是所望也惟叔祖亮之

甲寅巡撫山東右副都御史錢鉞等言東昌兗州濟南人領

魯府羊三千一百餘隻飼六十餘年納毛十萬餘斤羔六十萬餘隻今人戶逃絕歲徵未已 上命遂種羊原數

巡撫雲南左僉都御史楊繼宗卒繼宗字承芳陽城人天順丁丑進士授刑部主事守嘉興九載治最起浙江按察使憂去起撫順天坐訐左遷雲南副使進按察湖廣至今官初至監司皆舊寮友謁畢繼宗出位降階再拜曰明日幸相諒衆不解明日疏貪酷不職者八人俱免官土官襲職例勘索痛革之廉介峭直人莫敢犯以氣節名天下天啟初追謚貞肅袁宏曰楊公以清嚴強遂著赫之聲樵李人雖婦人女子皆知其名至今稱不衰所至如樵李可不謂賢乎

陳善曰當 孝皇朝楊公廉直高天下人至畏惡其嚴不敢與見亦蓋義烈矣始守嘉興時政行尤卓伐奸誅暴事種種不可縷載

李廷梧曰公自筮仕以來即捐妻子簡嗜慾抗志厲操介然不群故其襟懷洞達正氣常餘茹開濁不為之驚解琴錯不為之亂調甘幸定震撼不為之 非其義萬鍾不足豐也非其道王公大人不足貴也惠澤之深又足以沾溉群生馮藉數世人徒見其方嚴峻整若巖篲霄漢不可狎

視不知所以持養是氣蓋非一日之故矣信天下之偉人也哉

乙卯復四川松茂巡撫

賑四川五萬金湖廣十五萬金

丙辰進士王浦蒞稷除旦任綸為給事中

工部後作房火即中李韶下獄

丁巳南京兵部尚書耿裕改禮部尚書
十一月庚申朔太常寺卿署欽天監事童軒為右副都御史提督
松潘等處軍務兼巡撫

談宣府順聖縣

辛酉太子少保刑部尚書張榮服闋改南京兵部尚書

秦府永興王公鈺薨年六十一謚昭僖

壬戌遼東中淮鹽二十萬引

癸亥昏刻月犯羅堰下星

丁卯巡撫甘肅右副都御史羅明以臨洮鞏昌平涼中茶八
十萬斤并行陝西中茶備賑

夜南京甲字庫災盜道之

戊辰寧府樂安奠壘薨年六十二謚昭定

壬申兵部郎中陸容上八事儲養台輔庶吉士愛惜人才久任
巡撫教導勲戚經理京衛選練禁兵均平鈔法慎重會議

上從之

甲戌重慶長公主嘉善長公主淳安長公主崇德長公主宜
興長公主俱進封大長公主

乙亥南京刑部郎中鄒儒悞騎入舊內右門謫廣西洛容驛

丞

丁丑鄭府涇陽王祁銳薨年五十六謚安靖

欽天監監副吳昊張紳高鍾等下臺獄以是月十六夜月食

不應

夜月犯鬼宿

戊寅夜月犯軒轅右星

壬午兩廣流賊平

甲申妖僧繼曉伏誅繼曉江夏人黃姓成化中以星命干太

監梁芳進幸被殊寵勅旌其孝居都督馬俊宅賜額輔教寺

陞國師多寘婦人群小黃進還楚以黃帕裹一臂以經御手

也至是斬籍財產妻子沒官梁芳令南京守備杖八十初進

士侯官林廷玉宣詔湖廣道擁弗能行則有僧衣金龍袈裟

坐數十几上衆咸羅拜驛人曰倖僧繼曉也廷玉使還授吏科給事中即劾繼曉凶妖在道傷害先德命密馳捕之七日而至廷玉弗知也問都給事中宋欽曰奏有旬日弗下者乎欽曰聞日不得請則事敗矣豈子有奏久而弗下者哉曰然乃繼曉欽曰若有中佐乎輕言之且得罪蓋素服宿廊待罪廷玉從之甫一宿中使召廷玉詰繼曉目數其罪曉伏辜即日棄市

侵地

乙酉水旱免河南糧芻

丙戌土魯番入貢令甘肅守臣遣使諭速壇阿黑麻還哈密

十二庚寅朔 上省郊牲

壬辰前兵部尚書王竑卒竑字公度河州衛人正統己未進士授戶科給事中值北狩廷擊指揮馬順死直聲震天下進右僉都御史守居庸等關已巡撫淮揚兼總漕運進左副都御史天順初削籍後復官至尚書知無不言剛毅明斷臨事敢往夷險一節天下稱之贈太子少保諡莊毅

凌迪知曰竑性剛毅少豪俊尚氣節義所當為奮往直前生長西陲有志功名居言路見事有不平者輒為之扼腕

自廷擊馬順之後所至今行禁止人望而畏之曰此極殺
馬順者公名自是滿天下豈非一世豪哉

癸巳王槐鄭惟桓鄭達汪滢為監察御史

甲午鄭陽荆襄流民嘯聚撫治左副都御史鄭時乞預備從

之

成都建昌潼川遂寧越嶲等處地震并雷雹雨凡四日

丁酉禮科給事中王倫上十事體天心以脩實德停工作禁

惜人言以集衆善廣科目以崇文學去邪淫以敦大化京師

四月初八戒壇正月嚴遴選以得真才餘多可採上納之

癸卯禮部右侍郎倪岳為左侍郎

乙巳貴州左布政使王詔為右副都御史巡撫雲南

丙午滎陽通判李晟再上戰車法試之粗重難運弓弩遠不

過二十步以妄費請晟曲靖衛知事

丁未故廣昌知縣莊英捕盜死贈建昌通判

辛亥戶部主事唐錦舟求封繼母舒氏吏部以其父吏科給

事中仁封一婦周氏則錦舟所請仍封一非二也從之著為

令

壬子曉刻月犯房宿

癸丑賑應天饑民三萬石

金吾右衛帶俸指揮僉事倪端以盡工直東宮許改錦衣衛
丙辰定勲臣應襲子弟皆入國子監受書

丁巳兵部尚書余子俊等上防邊事宜歲終撫按覈宣大鎮
守分守守備等兵政行舉劾遠東軍冊考南京後湖原額蘄
州永平稅糧悉輸邊倉大同鎮總等官選銳補在城游兵奇
兵各路極邊游奇二兵不得輕動又如寇中路則大同城
軍為主兵而東路與洪州西路與偏頭關合援如寇東路則
東路軍為主兵大同副總兵游擊及宣府游擊洪州叅將合
援寇西路則西路軍為主兵大同副游及偏頭關叅將合援
又清各邊草湖給馬又肅州甘涼莊浪蘭州如有警令互應
毋遽調寧夏延綏等衛如大舉仍舊例上從之

南京右僉都御史虞瑤兼提督操江

己酉弘治二年

正月成遠府應山王豪壞薨謚端順

酉刻金星晝見

丙寅裁四川莞糧叅政

丁卯昏刻月犯昴宿東星

戊辰昏刻金星犯木星

辛未 上南郊

癸酉夜月犯軒轅右星

丙子左都御史馬文升等言去冬上住牧河套云明春入貢
彼既入貢餘衆在套散牧此回又藉言河水不出乘此入寇
何以禦之宜勅延綏鎮臣防諭出套若從大同入京否則驅
逐報可

庚辰咸寧縣丞李文祥為兵部職方主事

昏刻金星犯外屏星

辛巳卯刻日生五色雲及左珥良久散

甲申夜月犯牛宿下星南京雨霾

乙酉定外官正佐互糾例

進士馮子聰倪天民李岱為南京給事中

丙戌進臨清縣為州館陶丘縣隸之仍屬東昌

給事中胡瑞勘去年延綏失事還奏鎮守太監藍蕙降左監
丞都督同知白紀等各錮秩

已刻白虹彌天

二朝郊賑四川饑移漕粟二十萬石

壬辰戶部右侍郎吳原展墓

甲午大學士劉吉等言皇上取禱雨文臣意待二月半後

而皇上催取蓋此月七日月在畢宿是將雨之候左右乘

機勸禱幸而得雨將借惑聖聰欲復李汝省鄧常恩故態臣

等即撰祝文乞斥其人待二月半後虔禱上納之

丙申前太常寺少卿兼翰林侍讀陸鈇卒鈇字鼎儀崑山人

天順癸未進士第二界吳姓始奏改陸授翰林編脩遷脩撰

直東宮秩滿進右諭德至今官予告鈇以端謹清峭稱其文

簡初有法不喜敷腴詩亦如之有春雨集予祭塋廡中書舍

人

丁酉夜月犯井宿

戊戌夜月犯天鐸西星

中書舍人吉人言四川賑濟郎中江藻恐非其才乞遣使分

四道擇才望御史巡按如給事中宋琮陳璠韓鼎御史曹璘

郎中王沂洪鍾巡按則湯萬等上切責之

己亥廣西布政司右叅政王珣閑住珣先任戶科給事中及

例轉疾辭求原職致仕吏部格之勒閑住
前右府都督同知軍用卒

壬寅四川威州地震聲如雷

南京壽星見

甲辰設廣東從化縣及守禦千戶所 隸廣州

代州天鳴

戶部郎中江漢賑成都順慶保寧王宏賑夔叙重慶馬湖

丁未監察御史陳景隆等劾吉人抗命私黨下詔獄詞引御

史湯爾曹璘至事東思誠知州劉槩知縣韓福等御史陳璧

復言非實惟為槩及至事李文祥庶吉士鄒智知州董傑詩

酒標榜數時政詔逮并訊之槩嘗覬為白金書云夜夢人騎

牛幾墜為手挽之又為手五色石引牛就路人牛曰朱為殆

有扶持社稷之力 上惡其言

停四川織絹

曉刻金星犯壘壁陣左星月犯心宿

戊申月犯天江南星

己酉南京御史姜洪等劾守備太監蔣琮十罪命按之琮私

受蘆洲屢劾自如

辛亥太子太保兵部尚書余子俊卒子俊字士英青神人景
恭辛未進士授戶部主事進員外郎守西安鑿渠利民歷撫
延綏創築邊牆移鎮陝西入本兵憂去起督宣大治守具雖
招物議而博達有才略習於邊事脩築之利後人祖之不衰
贈太保謚肅敏子寘錦衣衛指揮僉事

楊廷和曰公嘗語人曰人臣事君當隨事盡力凡有建樹
即近且小亦須為百年之計又曰大臣謀國遇有大利害
當以身任之勿養交市恩為遠怨自全之地其城延綏時
怨謗紛如公不惜執之不易卒以成功人至於今稱之

李東陽曰予嘗接公談即事論事必欲實見諸行往復曲
折大抵皆天下國家計也及跡所施設歷、可指數而在
陝西功為多在延綏為尤多也蓋以沿邊數千戶屹成巨
鎮與寧夏甘肅並為陝之保障雖童兒女婦莫不知誦其
功及用於北邊值時與地有所不合後未及興而衆喙山
動或者乃并延綏之績為疑然則大臣之排群議任衆怨
以成大功者不亦難哉夫民不可與慮始可與樂成固也
以吾士大夫為國家天下計亦為是言何哉必若所言則
都重位享厚祿者皆將護於傷財害民累歲積資計日受

代而不復知有天下不至於大壞極歎不止也嗚呼世安
得有勵志勤事惟日不足如陶士行者哉

開封晝晦

甲寅赤斤蒙古衛都指揮綽失加為都督僉事以擒功

乙卯右都御史馬文升為兵部尚書提督團營

丁巳召總督兩廣南京右都御史屠濬回院

三月未朔災傷免陝西去年田租三分之一

巡撫四川右副都御史謝士元劾罷

庶申金星晝見

辛酉高進嗣建平伯高遠弟

昏刻火星犯鬼宿

壬戌崇王見澤來朝王求省 太皇太后援襄憲王例

止諭止之

崇德大長公主卒公主 英宗女適駙馬都尉楊偉年三十

癸亥陝西按察副使丘鹵為右僉都御史巡撫四川

太保兼太子太保襄城侯李瑾卒瑾性寬厚能折節賢士成

化三年以征四川大壩蠻功進涿侯

司禮太監韋泰兵部尚書馬文升簡營兵

風霾累日

乙丑總督漕運左副都御史秦紘為右都御史總督兩廣軍務兼巡撫召巡撫宣府左僉都御史李介回院

丙寅宣府獨石馬營執千戶劉忠

丙寅裁陝西行太僕寺少卿寺丞苑馬寺少卿各一寺丞

三

己巳萬安卒安字循吉眉州人正統十三年進士館選授編脩歷禮部左侍郎直閣至少師兼太子太師吏部尚書華蓋殿

大學士儀觀甚偉性陰忤惡人異己結指揮萬通為族通妻

王氏母來自博興言及其妹適四川萬編脩而安與通又姪

姪也又厚李孜省鄧常恩斥逐賢士贖貨好色仕路側目雖

致仕人以為幸免贈太師謚文康

徵湖廣吏卒萬餘人分二班赴廣西潯柳斷藤峽等討賊

庚子免湖廣本色折色糧九十餘萬石

辛未巡撫江西右副都御史李昂總督漕運兼巡撫鳳陽巡

撫福建右副都御史王繼改宣府

甲戌以久旱遂齋而禱始大雨丙子又大雨

戊寅吳玉榮陳崇為南京監察御史
劉槩論死湯禹成肅州衛吉人削籍兵部主事李文祥降貴
州興隆衛經歷鄒智降廣東石城千戶所吏目大學士劉吉
嘆為時御史魏璋有名吉使其客徐鵬惠璋曰能去禹即薦
為都御史璋因以劉槩書陷禹等刑部主事祝萃疏救不納
文祥麻城人丁未進士後覲還渡商城溺死吉深德璋後薦
陞大理寺左寺丞湯禹成化十一年進士
馮時可曰李公逆權相摘中閹躡轢揮斥有洛陽年少之
風卒為權奸所中乃河伯不仁又獎凶而賊善也賢者適

遭百六如此豈天道果夢不可問耶

談遷曰更化之初濯磨爭奮而少年輕俊標榜過甚終罹
法網要未可盡咎之時宰也 恭陵性悖大樂聞讜論人

牛之書事出不經橫被蜚語能無敗乎志於用世者毋以
昌時而失之術毋以清流而失之仇斯得之矣

郭子章曰當時與文祥同志而最賢者鄒吉士智謫石城
以寒死丁舍入璣謫普安遷至蜀梟以溺死夫中貴人大
臣能竊天憲謫斥公輩而所謂寒死溺死者則非其所能
辨也而天亦巧為之用若此幾不可問矣公有猶子而鄒

公新焉無嗣王公元善為序公文予過合州主鄒氏族子
予之衣冠後吉公豈三公所恃不朽者在我輩耶固亦莫
非天耶

閉四川會川衛寨勒山銀場

廣西賓州大雨雹壞廬舍禾稼

己卯錦衣百戶甄剛恃太皇太后戚屬違例乞莊田下獄

罷福建江西巡撫官盜漸息

夜月犯羅堰下星

庚辰貴州安莊衛大雨雹

癸未監察御史姜洪請夏縣知縣洪按湖廣與總督漕運都
御史秦紘爭檄失體被劾

甲申監察御史暢亨坐事謫涇陽知縣

旱灾免鎮江去年糧芻有差

四 庚寅靖江王規裕薨年三十七謚昭和

辛卯錦衣衛帶俸都指揮使錢承宗封安昌伯世襲
沅州衛雨雹水溢塗人畜

壬辰吏部尚書王恕疏救劉棻命徐議之

甲午懷安衛保安右衛地震聲如雷

乙未太常寺丞張暉鎮守太監慶從子本奏差任驛丞起家
至是降典簿

清理兩淮鹽法戶部左侍郎李嗣回部即致仕

庚子南京大風雨雪

辛丑命太子太保吏部尚書王愨午朝或雨雪并免早朝以

優其老

減湖廣上供魚鮓如成化七年例二千五百斤止舟二艘

甲辰月犯南斗杓星

丙午勅河南按察司河北分巡道捕盜

丁未彰武伯楊瑾卒

免福安縣銀課一年

辛亥水災免海州夏麥

壬子翰林侍講學士李東陽服闋進左春坊左庶子仍兼侍

講學士

止武當山太監韋貴等貢茶梅筍黃精

癸丑暑讖以刑部尚書何喬新言釋劉棻戍海州千戶所

甲寅沔陽知州董傑謫四川行都司都事坐湯萬等黨議

兖州知府趙蘭上六事定禮樂

即縣文廟不且十
二道豆舞八脩詳祀位
梁

紀別議謚號周公謚文憲補闕略孔顏孟子孫各重刑名監
生員習著恩典五品以上致章下所司

丁巳定虔州銀課萬二千三百三十七金泰順縣六百四金裁松
陽宣平雲和管塲縣丞

五庚申河南守臣奏河決開封黃沙岡蘓村等又決埽頭入沁

河命發卒五萬人治之

成都地震壬戌復震有聲

癸亥木星晝見

甲子戶部右侍郎葉淇為左侍郎工部右侍郎劉璋改戶部

丁卯巡撫貴州右副都御史孔鏞為工部右侍郎

壬申山東左右布政使鄧廷瓚為右副都御史巡撫貴州

南京前府豐潤伯曹振卒

甲戌署太常寺太子少保禮部尚書劉爰致仕

福建左布政使戴珊為右副都御史撫治鄖陽

戊寅逮巡撫雲南右副都御史章律以御史何悌劾其貪勤

工再被劾

辛巳松潘中鹽二十餘萬引

乙酉脩承光殿

南京翰林侍讀學士吳希賢卒
莆田人天順八年進士館選授檢討文有奇氣尤工詩

丙戌金星晝見
丁亥陳震汪宗器田大淵曹鳳滕祐吳一貫孫衍李葵徐昇
周琰彭程馮棻李鸞劉瑋為監察御史並實授

前吏部尚書李秉卒秉字執中曹州人正統丙辰進士授延

平推官遷都察院經歷改戶部主事歷郎中景泰初擢右倉

都御史歷撫宣府南畿大同以事罷成化初進吏部坐誣落

太子少保去性純正不飾盡心職務家居二十餘年日侶野

老贈太子太保謚襄毅

六戊子朔工部主事林沂奏秩坐御史上御史向紳等謂慶成

宴翰林坐科道上科道坐郎中上不拘品上以沂違憲下

錦衣獄

壬辰南京大風雷雨仆國子監石坊

甲午木星晝見

戊申入遼東廣寧衛之岐山臺

徽王見沛請祀中岳諭止之

癸丑戶部遣司官覈直隸河南湖廣淮揚山東災傷

調陝西兵四千於莊浪紅城備冬

內臣長隨何鼎奏錦衣衛官校行事得陞蓋國家立法之始
人心未定權為此懼服奸雄之具非欲守此為常也因循日
久本衛官多不過數百糜費廩祿繼例而升年久益繁夫乞
恩傳奉非治世美事而祖宗建官本意也皇上御極下
令沙汰中外稱快但漏網猶多近來復有夤緣臣聞官可幸
得則朝廷不尊祿可乞求則官爵不重伏望覽古今壞事之
源懲姑息之弊嚴履霜之戒時勅吏兵二部文非考中本等
程式武非軍功并行事陞者自天順元年至今一切革去則
功賞不濫人貪無浮吏兵二部覆奏覓履初錦衣衛鎮撫司

專主詰問奉旨對簿之人兼得緝訪都下奸私無佐証者名
曰天子詔獄歲上功兵部捕獲多者為右職至有起身小
校超階勛臣是以每陰陽上意影响人罪以邀爵秩不勝
拷掠延喘甘承且訪捕所及家皆若洗甚至并其同室之有

席卷以去

丙辰代王成鍊薨年五十四謚曰惠

七月戊辰京師及通州水災

癸亥京師大雨水諭脩省求直言

戊辰慶府弘農王遠燹薨年四十謚安僖

夜有火星墜遠東都司聲如雷

己巳罷光祿寺卿胡恭南京左通政徐世英南京工部尚書

程宗以禮科都給事中韓重等上四事糾及之

庚午前刑部尚書陸瑜卒瑜鄭人宣德癸丑進士授刑部主

事歷郎中遷山東左右布政使天初順李賢薦入刑部精於

法比凡議獄緣以經術人多傳之亦多所平反惟論許聰死

為枉瑜無子謚康僖

壬申暫停永平河間保定寄牧馬徵駒

甲戌左副都御史逸鏞改南京刑部右侍郎

乙亥夜月暈木星

丙子禮部尚書耿裕等上七事寅畏天戒減省貢獻鎮監總

馬二匹餘不許停止折納光祿寺折納革退軍廚光祿府役煩六千

增子百慎重教職均平取士會試南卷六北改調官員上

從之惟軍廚如故

哈密國王罕慎為土魯番速壇阿里麻所殺弟奄克孛羅

走甘肅時賜罕慎貢直即給之

丁丑吏部右侍郎張悅改吏部左侍郎

戊寅戶部郎中陳瑗等賑永平河間水災戶粟一石

己卯戶部尚書李敏等請皇莊令有司訖徵銀三分輸內帑
免官校之橫命仍之

乙酉薊州遵化寬河地震者四有聲

八月子大學士劉吉等上六事溥恩施請賑河南舉賢才定科

舉會試不許三人不選軍職積逸儲稽工程上從之

庚寅確山縣以隸信陽州遙阻仍隸汝寧

辛卯岷府游溪王給罕東左衛頭目賜卜等粟賜卜以罕慎

故攻土魯苗不利告饑

刑部左侍郎蕪左余都御史彭韶上鹽場一圖各條以詩俱

狀貧窶之苦復上六事罪運司虧課減額徵立預備倉擇總

催恤竊丁清積引上從之

癸巳曉刻金星見

丙申番禺山賊揭陽派賊平

旱災免南京各衛屯糧之半

庚子辰刻金星晝見

壬寅初孟密安撫司夷婦曩罕弄屐侵木邦地守臣以聞請

檄孟密歸之報可

蘆溝河隄潰新寧伯譚祐工部侍郎陳政內官監太監李興

往築役卒二萬

福建清軍御史兼理鹽法初海道副使兼之

己酉 憲宗純皇帝王祔太廟

唐成武人宣府赤城

癸丑雲南順寧府賊莽立等平

甲寅太常寺少卿兼翰林侍讀周經為禮部右侍郎

乙卯巡撫甘肅右副都御史羅明歸哈密忠順王罕慎勅印

冠服賜勅

九朔辰朔禮科給事中孫儒等清畿內莊田

雲南大理衛雨雹傷稼

丁巳 倭入大同攻川嶺大尖山執百戶某

戊午工部右侍郎孔鏞卒鏞長洲人景泰甲戌進士令都昌

均賦除妖調連山有善政綏撫猺獠為守高州甫下車峒獠

犯城正馬諭下之民生祠鏞內艱民泣送千里外巡撫貴州

磔清平部苗阿漢阿刺諸蠻皆震悚鏞歷仕南徼三十餘年

功在嶺黔謙而不伐至是道卒賜祭塋

己未河南左布政使王琛卒

壬戌傳制封彌錦唐王見淑襄王宸濠石城王同鏘新會王

同鐘穎川王安溪義寧王安泛平樂王安昭崇善王安逢海
陽王安海定安王安藻曲江王安斌博平王安滑聊城王安
漕汾西王見潞南康王表榜河中王訐注方城王彥濂安昌
王

右府帶俸廣寧伯劉璇卒
木邦孟密累歲仇殺上勅責黔國公沐璘太監王舉巡撫

右副都御史王詔

己巳李黻嗣襄城伯李瑾子

武進伯朱霖卒

己卯貢士林潤以三試不第禁入試請寬明年特許一科

庚辰南京兵部左侍郎白昂改戶部左侍郎治河時支分三

決封丘荆隆口漫祥符長垣而趨張秋一出中牟涿尉氏一

溢蘭陽儀封考城歸德至宿州瀰漫不可禁議者請徙河南

省避之昂役丁夫二十五萬築陽武長隄以防張秋引中牟

之決以入淮濬睢河以達泗塞決隙三十六由是河入淮汴

入睢入泗泗入淮以達海而水患始寧

癸未寧晉伯劉福脩通州弘仁橋

十戊子翰林編修張潔楊傑為侍講檢討劉機楊廷和武衛為

脩撰

己丑駙馬都尉王增卒東鹿人靖遠伯驥之孫尚嘉善長大

夜金星犯左執法星

丙申衍聖公孔弘泰薦貢士孔彥士堪曲阜知縣從之

雲南廣南衛指揮同知夏福孫吳世襲正千戶福侍英宗

於迤北雖非軍功得嗣

丁酉兩廣總督秦紘劾總兵晏遠侯柳景貪欺罪逮景入京

占城國王古來以安南侵暴乞官兵守護諭止之

戊戌國子祭酒費闈為少詹事兼翰林侍讀纂脩實錄

己亥月犯天陰下星

庚子浙江提學副使鄭紀為國子祭酒

初土魯番以牙木蘭及夷卒六十人據哈密城至是哈密都

指揮阿木即伺其虛請邊兵合襲牙木蘭走之

壬寅吏部右侍郎兼詹事府丞楊守陳卒守陳字維新鄞人

景泰辛未進士館選授編修成化初進侍講歷洗馬侍講學

士少詹事幼聰穎長益肆學性恬靜直易仕雖齟齬守正不

變文章闕處所著有四書五經私抄等集贈禮部尚書謚文

懿

鎮守湖廣伏羌伯毛銳為征蠻將軍總兵官鎮守兩廣

四川松潘番寇殺傷平夷等堡吏卒

癸卯南京守備太監蔣琮訐御史姜綰等太監郭鏞使兩廣

經南京泛後湖又與御史盧錦給事中方向交奏并劾姜綰

金章劉遜孫紘紀傑曹玉譚肅徐禮余濬皆就逮

兵部右侍郎何璟卒琮仁和人景泰五年進士館選授禮科

給事中使滿刺加國進通政司右叅議至今官性詳雅居官

無貶譽細行或不檢云

乙巳復羅浦城縣銀冶

丙午進士項經實授南京監察御史

夜月犯軒轅右星

戊申哈密罕慎弟奄克孛刺襲都督同知給新印以舊印阿

黑麻劫之

己酉荆王見瀟請採良家子廣儲嗣上報書曰朕即位方

及三年過先帝大祥未久若遽選妃將不啟天下之私議

予祖宗朝冊后之後無遣官再選妃例果朕欲選當請命

兩宮何敢擅也

廣西兵討涿賊破之時湖廣楊峒苗賊流劫全州

夜都察院清獄獲之
嶧縣妖賊王良等伏誅良以佛法誑衆約內應事泄即攻
嶧縣而敗
辛亥戶科左給事中孫珪御史滕祐往賀縣訪六壽穆皇太
后支係并紀貴紀旺事虛實以聞
壬子大理寺左少卿強珍為右僉都御史巡撫宣府
癸丑定土官先報應襲子弟守臣覈實書冊遇應襲即奏請
從巡撫雲南都御史王詔之言
十一月乙卯朔鎮遠侯顧溥為平蠻將軍總兵官鎮守湖廣

戊午水災免鎮江夏稅

癸丑粟各五萬賑順天饑民再發粟十萬平糶

甲子翰林院庶吉士程楷將晃黃穆傳珪華壘吳儼羅玘為
編修李遜學石瑑毛紀為檢討進士朱憲為南京監察御史
丁卯勅兩廣總督秦紘訪孝穆太后確派時連山人李福
自陳的支紀貴紀旺本撞人故令密訪連山賀縣及湖廣之
江華

戊辰兵部右侍郎呂震為左侍郎順天府尹張海為兵部右
侍郎巡撫甘肅右副都御史羅明為工部右侍郎

翰林院庶吉士屈伸表達李漢唐希介為給事中蔡杲劉昂
任儀閭价潘楷為監察御史倪阜

唐午巡撫宣府右副都御史王繼政甘肅

蘄州知府侶鍾為大理寺左少卿

壬申撒馬兒罕阿黑麻王入貢道滿刺加國進獅子鸚鵡等

舊入甘肅令諭止之薄其費

癸酉四川威茂地震有聲

戊寅蘄州地震

己卯淮安鳳陽饑募人納粟予冠帶

庚辰議遷開封城避河巡按御史陳寬言動人心布政使徐

恪亦持不可議乃寢

吳道南曰引河以漕銅尾箱之間尚有遺慮河患雖劇乃

今之城郭人民如故其堅持不可動搖之議為是

壬午湖廣右布政使唐珣為順天府尹

昏刻金星犯土星

天地壇齋宮祭服庫火

十辰甲申朔日食

乙酉開城會寧縣地震有聲

丙戌巡撫甘肅右副都御史羅明卒南平人成化二年進士
庚寅入大同青山

辛卯故少保兵部尚書于謙贈太傅謚肅愍立旌功祠致仕
應天府尹冕請卹從之

廣東陽春縣地震甲午丙申皆震有聲

總兵李杲調寧夏遠東總兵官侯謙代杲

乙未水災免保定河間順德廣平大名田租

丙申劉佶嗣廣寧伯劉璇子

前中府帶俸都督司知李玉卒

辛丑夜月犯軒轅右星

壬寅冊仁和長公主駙馬都尉齊世美尚之

子鴻臚少卿齊祐

丁未水旱免河南夏稅

己酉裁湖廣布政司撫民叅議

壬子前右府都督同知李文卒文華陰人會寧伯李英之從

子從征有功進西寧衛指揮僉事撫夷廕都督同知總兵大

同以威遠戰功封高陽伯永壽尋失事除仍贈高陽伯子鏞

世西寧衛指揮使

唐成弘治三年

正月申金星犯土星

襄王見淑奏留私閣十六人不許

辛酉四川汶川縣地震聲如雷

甲子

已巳考察外官降斥二千五百四十二人

唐午應天府尹楊守隨降廣西右叅政南京刑部郎中趙璧

降吉安通判大理寺右寺正閏到降華容知縣南京戶科給事中

方向降雲南多羅驛丞以太監蔣琮郭鏞事復命司禮太監

何穆大理寺少卿楊謚等按之並重譴

壬申南京太僕寺卿秦崇為應天府尹

請下獄御史姜紹桂陽州劉遜澧州余濬平度州孫紘膠州

繆樞莒州紀傑同州方岳泰州俱判官劉愷瀏陽縣丞太監

蔣琮不問琮以小才當上意繼晚李孜省等值赦請復治

上悅之守備南京驕恣不法以湖田訐累百餘人經歲不

解留臺為虛

談遷曰以孝皇之明言路侃、得抒其意而蔣琮敢操

諸臣短長連章累集至蹶上臣竄各臺偏重之勢誠有不
可亟挽者乎

曉刻金星犯羅堰星

改磚廠於張灣渾河口便納料者

甲戌桐城縣祠漢朱邑耐國朝祭酒胡儼御史胡頤知縣陳勉疏

乙亥河南按察使張文昭上五事外臣不許歸省行勘莊田

不得再獻逋戶不得累里甲代賦逃犯不得先提被告刷卷

不必遣御史即巡按兼之報可

丙子再發粟九十二萬石平糶保定河間順德廣平大名

定烏思藏番僧三年一貢時輔教王遣使欲自沱州入不許

辛巳鴻臚寺左少卿齊祐以子世美駙馬改尚寶司卿帶捧

戶部左侍郎白昂言臣治張秋決河至河南中牟等縣相度

水勢其南決者合穎渦二水入淮頗微北決者合沁水入徐

然淺狹不能受宜於北派所經七縣築隄以衛張秋從之役

三十五萬人築陽武長隄防張秋中牟之決由是河入淮汴

入淮入泗入淮以達海而水患以息又修魚臺德州吳

橋古長隄鑿東平興濟小河十二以入河蓋分東北之水恐

河南入淮卒不能容也命兵部郎中婁性協理

李東陽曰河之為患自古有之漢以後決無常時治法亦
異蓋有塞有浚有疏而跡之說勝國朝凡四決後為張
秋都御史徐有貞治之有撓其議者曰不能塞河而顧開
之耶使者至徐出示二壺一竅五竅者各一注而馮之則
五竅者先涸使歸而議決此白公之所親聞者也金龍之
決山東以為憂而河南復慮其塞兩議之弗究亦久矣白
公既從塞議於是倍增汴隄又跡其下流如所謂月河者
宿故兩者之民咸宜之跡之效亦明甚矣哉
李濂曰昔者禹導河入於北海至周季變徙而南故道久

湮由元以來河盡入於淮今去汴城咫尺矣可懼也哉我

國家設官董役隄防最密歲輸金科民計且累萬一遇
衝突而言者往往建議大概不過益其賦或其力以與水
關也然則河患何時而止耶夫善治河者導河不善治河
者防河導河可守以可台可隄更而力金防河者以人治河

李東陽曰十五行

劉本鈺

南通志

壬午太子太保吏部尚書王恕請追姜綰等前古事未得其
當雖十易之不為過若謂已發下者不可易則古之從諫如
涿者豈皆未發下事乎不聽

李東陽曰河之為患自古有之漢以後決無常時治法亦
異蓋有塞有浚有疏而跡之說勝國朝凡四決後為張
秋都御史徐有貞治之有撓其議者曰不能塞河而顧開
之耶使者至徐出示二壺一竅五竅者各一注而馮之則
五竅者先涸使歸而議決此白公之所親聞者也金龍之
決山東以為憂而河南復慮其塞兩議之弗究亦久矣白
公既從塞議於是倍增汴隄又跡其下流如所謂月河者
宿故兩者之民咸宜之跡之效亦明甚矣哉
李濂曰昔者禹導河入於北海至周季變徙而南故道久

湮由元以來河盡入於淮今去汴城咫尺矣可懼也哉我

國家設官董役隄防最密歲輸金料民計且累萬一遇
衝突而言者徃、建議大概不過益其賦或其力以與水
關也然則河患何時而止耶夫善治河者導河不善治河
者防河導河者以河治河勢便而功儉防河者以人治河
役病而費鉅斯不亦易艱之辨哉河南通志
壬午太子太保吏部尚書王恕請追姜綰等前古事未得其
當雖十易之不為過若謂已發下者不可易則古之從諫如
涿者豈皆未發下事乎不聽

二月丙賈宗錫王二言熊達鄧公輔盧格朱文魏瀚魏英劉廷
嘖張烜梁廷賓白鸞為監察御史實授
前賓州知州定安孟休復任休貢士成化中任賓州八寨峒
夷屢叛休單騎撫諭之許就城市貿易戒弓刀夷人信服後
憂去至是峒夷乞復總督秦紘以聞

丁亥茂州地震有聲

己丑禮部尚書兼文淵閣大學士徐溥少詹事兼學士汪諧

主禮闈

中府帶俸安順伯薛瑄卒

夜月犯昴宿

庚寅始命禮部右侍郎周經知貢舉入闈經子疾辭尚書耿

裕入

辛卯跡直沽海口

壬辰水災免開封

田租三十一萬

餘石

監察御史蔡杲公事杖斃人下刑部請隨州判官

甲午水旱免淮安揚州鳳陽鄖陽襄陽荊州南陽夏稅有差

乙未南京雨霾

丁酉山西芮城縣丞李濟以邑人奏留進知縣

庶子寧府瑞昌王宸親薨年二十三謚悼順

曹愷嗣豐潤伯

田州土知府岑溥逐於思城知州岑欽鎮臣以溥子獠入田州見阻留溥州命按察使陶魯等屯南寧諭之觀變

壬寅水災免崇明田租

四川越嵩衝地震有聲

丙午巡撫河南右副都御史楊理為工部右侍郎總督糧儲南京右副都御史李益回南院為南京左副都御史

戊申朱潔嗣武進伯朱霖子

四川提學副使焦芳以舊恩訴寬命改湖廣

己酉壽星見

庚戌兩廣總督秦紱再劾安遠侯柳景不法有旨併鞫

三丙辰課天下預備倉視其里之多寡為率十里以下額萬五千石一百里以下十九萬石餘遞減有司殿最係之從南京給事中羅鑒之請

給嘉祥曾子廟田十六頃有奇復其徭

丁巳戶科給事中屈伸請講學上是之

戊午吳櫛服闋改總督糧儲南京右副都御史

廣西左布政使侯英為右副都御史巡撫河南河南按察使

張文昭為右僉都御史巡撫貴州

夷陵判官王勅光山知縣周洪彬州判官張萬光澤知縣劉

俊俱為按察僉事勅洪四川勅督學萬俊河南

刑部員外郎劉杲為四川水利僉事專治灌縣都江大堰漢

冰舊鑿溉田甚廣以私碾私渠漸淤故特敕

己未前太子太保戶部尚書兼謹身殿大學士劉珣卒珣字

叔溫壽光人正統戊辰進士館選授編修歷侍讀學士憂去

廬墓側鄉人化之稱仁孝里起吏部左侍郎直講稱第一直

閣敢斷略無顧忌屢中蜚語工行草善詩人稱珣東劉吉北

劉贈太保謚文和

嘉定州地震有聲

辛酉北平并瓦剌入貢

丁卯廷策貢士錢福等三百人賜錢福

及第出身有差

有火星墜四川儀隴縣聲如雷慶陽雨石如卵如炭作人言

甲戌兵部右侍郎張海左通政元守直隸居庸山海等關

乙亥水旱免淮安揚州鳳陽米荳四十餘萬草五十餘萬
丙子留進士半谷署辦事餘還里

辛巳琉球國中山王尚真入唁 先帝喪

四 癸未朔丙戌入宣府獨石亂泉

丁亥西域安定衛千奔入貢 安定王領占幹些兒之子

巡撫延綏右都御史黃綬為南京戶部尚書吏部左侍郎劉

宣為南京工部尚書巡撫蘓松 右副都御史王克復為

南京吏部右侍郎南京太常寺卿署國子祭酒徐瓊為南京

禮部右侍郎南京右僉都御史虞瑄為南京兵部右侍郎瑄

尋被劾同總督糧儲右副都御史李昂致仕

昏刻月犯井宿

辛卯上林苑良牧蕃育二署多逋戶命賑錢六十五萬

壬辰延綏總兵官都督僉事岳嵩致仕

丙申勅巡撫陝西右副都御史蕭禎提督馬政

刑部左侍郎彭韶改吏部四川按察使王軾為南京右僉都

御史

丁酉李宗泗鄭軾張敏牟道范坪李端澄為南京監察御史

實授

安南國王黎灝入貢

唐子巡按浙江御史陳金言驛遞馬戶之苦遂定令上馬戶
納十五金中十二金下十金俾驛丞自買舡炭一葺三歲大
葺十歲改作通行天下
辛丑安遠侯柳景反誣秦紘命戶科給事中屈伸刑部署郎
中秦瓚往訊

丙午大理左少卿侶鍾為左副都御史巡撫蘄松常鎮 巡
撫寧夏右副都御史張瑋總督漕運兼巡撫鳳陽
丁未土魯番速壇阿黑麻入貢求歸哈密城印贖還使人甘

肅都督周玉以其詐仍留前使徐議之

五 壬子朔增廣東按察僉事分守廣潮南韶

乙卯陝西左布政使韓文為右副都御史巡撫寧夏太僕寺

少卿白思明為右僉都御史巡撫延綏

丙辰平奔襲安定王賜領占幹此見祭墓

戊午復設湖廣興山縣 國初置後併歸州

定四夷館翻譯考選之法

武進縣大雨雹

己未巡撫延綏右僉都御史白思明望輕被劾調兗州知府

壬戌脩蘆溝橋成內官監太監李興乞陞文思院副使潘俊
等吏部尚書王恕言其濫上遂給賞

鎮守官不得擅提軍職受民訟以秦紘言

癸亥胡海徐璘為南京監察御史

丁卯望月食

己巳入遼東鎮北威遠二堡

庚午撒馬兒罕速魯檀阿里麻王土魯番速檀阿里麻王各

貢獅子哈刺虎刺等獻巡按御史陳瑄論其糜費宜卻禮部

謂量容一二人入京給賞上從之獅子等日給一羊毋安

費

壬申占城國王古來入貢

甲戌翰林侍講謝鐸為南京國子祭酒

乙亥進士周旋毛珵為南京戶工科給事中

丙子先是詰安南黎瀨還占城侵地瀨奏辨時使臣黃伯揚

在館兵部召至禮部諭曰歸語而主無多言其守封域否則

永樂之師可尋也

令南京龍江提舉司造海舡自登州運布鈔遼東

戊寅故安順伯薛瑄子昂襲燕山右衛指揮使

永樂
無世襲

詔

己卯祠唐韓愈於河南孟縣

庚辰官軍擊泗城知州岑欽敗之總督秦紘自引軍入田州

以岑溥歸府

六月朔陝西靖寧衛大風晦變為赤光如火久之息

癸未改福建建寧道提督銀坑兼分巡其即武延平更設武

平道僉事

甲申馬鸞莫立之為南京監察御史

復增設南京戶工尚書吏禮兵三侍郎

廉州地震有聲

丙戌初甘肅脩邊總兵官周玉嚴急悍卒張伏興等投玉以

瓦石事聞誅伏興餘十二人戍鉄嶺衛

戊子故後府右都督武平侯陳友追封沔國公謚武僖

發洪武永樂宣德錢無古錢行之

曉刻火星犯六諸王星

己丑禮科左給事中韓鼎請戒番人貢奇獸圖厚利從之

後府都督僉事董昇卒

丁丑大同塞外新寧伯譚祐整營兵萬二千聽征尋遁勅

延綏有倣即授

丙申脩南京外城及金川等門

庚子襄王見淑慶年四十謚曰簡

辛丑發宣大庫金及太倉金糴粟預備

朱棣王瑄馬興王存忠為南京監察御史

乙巳河州大雨雹山崩地陷

丁未巡撫四川右副都御史謝士元坐事下獄已還職致仕

丁未大同寧遠墩

戊申岷州衛寧遠縣俱地震有聲

七月子始遣科道巡視內庫薊州管糧郎中歲核永平山海等

邊儲

南京雷電驟雨壞午門西城牆

丁巳山西左布政使劉忠為右副都御史巡撫延綏

己未湖廣按察副使焦芳再訴上欲廷鞫劉健力沮但下

所司

庚申代府潞城王仕棟薨年五十六謚安簡

鎮守陝西後府都督僉事周鳳為征西將軍總兵官鎮守寧

夏董公廉敏充決邊備一新三軍甲冑外又脩禮帽青布甲

陣前迭出以示衆馬鞍絆各二脩不虞烽燧甚明後為部永

更定遂失其法

右府右都督馬儀為鎮朔將軍總兵官鎮守宣府

乙丑右府都督同知陳瑛鎮守陝西

紀貴紀旺詐冒外戚治其罪 孝穆皇太后嘗自謂賀縣人

姓紀太監郭鏞聞而識之 上在東宮太監陸愷本姓李詭

皇太后兄託鎮守太監顧恒訪其叔李福愷姊壻韋父成知

其家無人冒之得官田數頃有司待以戚畹名其里曰迎恩

紀貴亦李姓名父貴及弟祖旺艷之偽上宗系圖適應詔拜

官賜賚優渥父成遂奏辨 上命郭鏞祭紀氏先塋湖廣監

生蔣灝周紳發其詐乃遣給事中孫珪御史滕祐微行徧叩

果偽也下之獄降郭鏞小大者置南京愷祭茂陵司香父貴

祖旺戍福建鎮海衛

丁卯開宣大鹽引七十萬

南京吏部右侍郎王克復罷

庚午南京大理寺左寺副黃仲昭為江西提學僉事至官品

文校行澄汰不棄以無所寬假士不悅之

南京木星晝見

辛未前總督兩廣右都御史宋昊以訪外戚失實追降右副

都御史

壬申前巡撫山西右僉都御史左鈺卒

阜城人貢士授御史通敏有權略

癸酉巡撫湖廣左副都御史鄭時為南京兵部左侍郎

夜火星入井宿

甲戌駙馬都尉馬誠下刑部獄誠託疾二年不朝

代府武邑王聰沐代王之庶長子素醜暴居代王之喪召伎

淫縱諫者虐死之承奉正通保潛入京以聞廢為庶人

夜月犯天樹星

乙亥前府都督同知白瑜率哈密衛人始多阿討刺賜姓名

父哈只那力為哈密都督僉事值北狩有翊戴功天順初被

召道卒瑜在京襲錦衣衛帶俸都指揮僉事成化初從征斷

藤峽進都指揮同知又襲林功進都指揮使累進今官善御

新卒禮敬士人子鎬襲指揮使

丙子後軍帶俸廣平侯袁軫卒軫祖父容靖難功封子垣章

爵輅謫梁芳獻宅為護國永昌寺得襲

右都御史屠滄往廣東經理占城還國王古來遣謝兼餽滄

請辭許之

丁丑大理寺右少卿楊謚為左僉都御史巡撫宣府

八月申陳崇德為南京監察御史
丁亥增南京奉先殿日品間日鷺一雞二

庚寅立孝穆皇太后父祠於廣西禮部以孝慈高皇后
父徐王廟例為請上不得已從之

辛卯許前左府都督同知袁彬次子襲都指揮僉事一革
夜月犯斗宿

甲午前左通政徐世英卒江陰人祖晞兵部尚書少善書授中書舍人

乙未雲南左布政使謝綬為右副都御史巡撫湖廣
甲辰下陝西郿縣祭宋儒張載祠墓

乙巳禮科左給事中韓鼎言陛下嗣位三年前星未耀古
者天子一娶十二女今舍是弗圖徒事齋醮邀福不已惑乎

報聞皇上居恒無他幸中宮相得甚懽

丙午壽星見

戊申代府懷仁王遜炳薨年六十六謚榮定

九唐成朔前巡撫寧夏右僉都御史崔讓卒石州人貢士嘗敗

癸丑傳陞錦衣衛正千戶王清等兵科給事中劉聰等諫阻

不納

乙卯大興華淳八歲能大書命入翰林院肄習

丁巳南京刑部左侍郎阮勤致仕
甲子傳制封誠灌宜川王聰
灑溧陽王聰滴寧津王安
魯山王見滿廬江王鈺
循宿遷王訐滿伊世子微
鍾樂平王見溱德興王約
麒靖江王寘鏞鞏昌王寘
鏡真寧王丙寅巡撫河南
右副都御史侯英以先廣
西布政使失訪外戚降
四川按察副使

丁卯旱災免東昌去年夏稅
十之四濟南兗青登萊田租
十之三
夜月掩六諸王星

甲戌太僕寺卿王霖為左
僉都御史巡撫山東
僉都御史錢鉞為右副都
御史改河南

戊寅復設廣東按察副使
整飭雷廉等兵備

復設大名府東明縣及雲
南邑市縣於路南州

閏九月工科左給事中王
啟請撤蘓杭織造內臣寬
民力不

聽
癸巳禁藩府勢要請乞田
土

丁酉禮科右給事中韓鼎
再乞選良家女充妃嬪
上徐之
土魯甫貢使自海道潛
至京師詰治沿途官司

戊戌宋儒朱熹九世孫歲貢生朱貞為婺源訓導

甲辰南京金星見

乙巳土魯番先求蟒服等以戕罕慎不予至是復請禮部諭其悔過乃給

十辛亥安慶元臣余闕祠增宗正郎中總管韓建先子城有功

癸丑翰林簡討馬政劉良為興府左右長史朱綬鄭宗載為

岐府左右長史

庚申旱災免河南夏稅

閣臣以內官監左監丞張帶伴送土魯番貢使非制遂止不

行

辛酉巡撫四川右僉都御史丘鴈致仕

祠漢張釋之於裕州知州許論疏請

壬戌肇慶地震有聲

乙丑興王出閣就學

丙寅城政和縣

平陽地震有聲

庚午四川左布政使邢表為右副都御史巡撫四川

壬申裁陝西增設叅議僉事各一

丁丑逮治有司馬政廢弛者

十一庚辰前戶部尚書劉昭卒邠州人景泰辛未進士其才所至稱能

癸未武衛張縉張智程文魯祿魯昂陸完汪鉉為監察御史

丁亥太原地震有聲

辛卯浙東曠賊平

乙未勅山東按察使副整飭天津等處兵備

威州地震有聲

戊戌昏刻堇見天津芒尺餘金星犯壘壁陣東星夜月犯軒

轅右星

辛丑國子祭酒鄭紀被劾調南京左通政

昏刻堇犯人星

癸卯瓦刺太師入貢遣使驗放許二百人入京餘留邊給賞

甲辰閣臣言災異脩省上納之停金山沙河橋南苑等工

作撤江西燒造內臣

丁未始給駙馬都尉樊凱父母封勅駙馬父例兵馬副指揮

十一庚戌總督漕運都御史張璘濬徐州小黃河

辛亥星變勅群臣求直言

乙卯岐王出閣就學

丁巳裁環慶兵備副使

太僕寺卿唐章檀管軍職下刑部贖杖復官調陝西苑馬寺

卿命未下章自經

客星見天市垣

己未京師地再震

廣西府知府賀勛有善政九載秩滿加雲南布政司右叅政

昏刻羣犯天倉

壬戌吏部尚書王恕以脩省乞經筵不聞寒暑各宮觀齋醮

西天廠誦經元宵燈宴保聖夫人等歲祀俱乞裁止放獅子

等獸撤松潘巡撫及京通倉監守織造內臣止南苑工役光

祿寺歲辦柴炭畿郡寄牧馬歲二萬匹乞半減仍量收馬價

畿內皇莊及功臣田土畝納細糧五升或粗糧一斗各倉虧

糧乞免追罪人暫宥立枷踈鹽法招商鎮守等官參隨溢額

光祿寺軍厨千人宜葺裁齋供罷燈宴內臣等如故軍厨幼

子月糧各減二斗餘如議

癸亥錦衣衛都指揮使朱驥卒驥大興人卅錦衣正千戶天

順初以子謙壻成威遠尋召還成化初遷指揮僉事提督官

校歷指揮使都指揮同知俱掌衛事甚久持法平恕憲宗

注之

成辰左春坊左諭德林瀚為國子祭酒

昏刻客星見天倉漸向壁宿

己巳署太常寺事禮部侍郎丁永中南京大理寺卿吳道

宏俱劾罷

辛未右通政曾鑑為太僕寺卿

壬申進士丘文翰為翰林檢討侍益王

吏部左侍郎彭韶請午朝無奏常事惟議急務報聞許之然

亦文具未久輒罷

錦衣衛指揮使李成為指揮僉事署衛事成保母翊聖夫人

子

甲戌南京刑部右侍郎邊鏞太僕寺少卿王祿再劾免

南京尚寶司卿李應禎為南京太僕寺少卿

弛貢士三科不試之禁

辛亥弘治四年

正月未脩上元節假

金

假

注之

戊辰左春坊左諭德林瀚為國子祭酒

昏刻客星見天倉漸向壁宿

己巳署太常寺事禮部侍郎丁永中南京大理寺卿吳道

宏俱劾罷

辛未右通政曾鑑為太僕寺卿

壬申進士丘文翰為翰林檢討侍益王

吏部左侍郎彭韶請午朝無奏常事惟議急務報聞許之然

亦文具未久輒罷

錦衣衛指揮使李成為指揮僉事署衛事成保母翊聖夫人

子

甲戌南京刑部右侍郎邊鏞太僕寺少卿王祿再劾免

南京尚寶司卿李應禎為南京太僕寺少卿

弛貢士三科不試之禁

辛亥弘治四年

正朔未脩上元節假

金補

金補

己酉巡撫山西右僉都御史翟瑄為右副都御史回院

南京兵部左侍郎鄭時為南京刑部尚書巡撫順天右副都

御史徐懷為南京刑部右侍郎南京光祿寺卿章格為南京

大理寺卿

北山王子入貢定五百人入京 時千五百人 加賜幣帛市

弓錫鞞織金膝襪等

戊子慶府安化王秩終薨年七十七謚惠懿

己丑 上南郊

辛卯脩省免慶成宴

巡撫河南右副都御史錢鈺以奔兢劾調南京光祿寺卿

茂州地震有聲

壬辰前刑部左侍郎曹暉卒暉字時升泰和人宣德二年進

士授刑部主事歷廣西左叅政核大獄卻黃金數十斤改河

南遷山東右布政使止戚畹占田成化初以河南左布政使

儲餉給荆襄之師入侍刑部巡視浙江首去布政使張清人

頗不平歷官四十餘年勤慎不渝同列必師事之易箚家無

贏資

甲午提督松潘軍務右副都御史童軒為南京吏部右侍郎

巡撫雲南右副都御史王詔為南京兵部右侍郎
二部右侍郎楊理卒理山陽人成化二年進士授刑科給事
中鮮建白歷大理寺丞少卿按晉趙二郡獄務寬恕進撫河
南值歲饑河決增其隄賑楚人之涿永寧盧氏者然不善治
劇賜祭葬

乙未鎮守貴州都督僉事彭倫疾罷

巡撫大同右僉都御史許進調宛州知府進與分守太監石

巖相訐巖召還

丙申賑遼東

以雲南提學僉事領貴州阻遠改貴州兵備副使兼提督學

校

丁酉與王婚

夜月犯昏宿

戊戌停京標吏卒沿途口糧

己亥江西貴州湖廣河南左布政使秦民悅張誌張敷華徐

恪並為右副都御史巡撫順天雲南山西河南

庚子開兩廣鹽引二十五萬
辛丑南京國子祭酒謝鐸上六事擇師儒慎科貢正祀典廣

載籍復會饌均撥歷其正祀典請進楊時斥臨川郡公吳澄
禮部難之餘報可

壬寅兵部尚書馬文升奔繼母喪令三月即入朝

甲辰戶部尚書李敏致仕

旱災免太原去年田租有差

二月丙先蔚州左衛帶俸都指揮僉事陳雲乞改錦衣衛許之

至是被劾且錦衣衛以近侍例兵部會推上留雲今後會

推如初

作太廟後殿保國公朱永工部尚書賈俊為植

辛亥右都御史屠滸歸右僉都御史李介憂去

山西按察使侯恂為右僉都御史巡撫大同

吏部左侍郎彭韶言比多無功之人夤緣請謁授千百戶等

官甚至乞恩襲都指揮不獨武職文職亦有之或脩城微勞

而陞匠官或傳奉罷革而遷良醫又中書考滿超陞三級伏

望受惜名器重視廩祿勿謂小官為可與勿謂雜流為無害

嚴加杜絕上是之

昏刻月犯木星夜月犯六諸王西星

乙卯初海西野見定河衛都指揮使忽赤貢海青東求都督

命加其賞海西女直

丁巳驅番僧止留百八十二人

辛酉貴州右叅將王道為署都督僉事鎮守貴州兼提督清

平等衛

壬戌固婁郡主卒主景皇帝女母后汪氏適儀賓王憲禮

部議葬祭視嘉祥公主例從之命司禮監官治喪祭葬俱厚

但不報訃宗藩

癸亥馬炳然周津萬祥劉璇王和陳銓郭珠周昂為南京監

察御史

乙丑戶部左侍郎葉淇為尚書刑部左侍郎白昂為右都御

史巡撫遼東右副都御史徐貫為工部右侍郎

北伯顏猛可王并危刺太師火兒忽力入貢

夜月犯房宿

丁卯代府宣寧王任羸薨謚和僖

己巳勅法司平刑仍行南京法司

前太子少保禮部尚書周洪謨卒洪謨字堯弼長寧人正統

乙丑進士及第授編脩遷左贊善侍讀天順初改南院後召

脩實錄適戎璫蠻入寇上方略多見採歷南北祭酒日授經

議文廟舞佾適豆轉禮部左右侍郎自製璇璣玉衡進尚書
隨事建明多裨益性矜莊寡合博覽強記著辨疑錄多創見
文體富贍善談兵論事或鮮適用年七十二謚文安予塋祭
庚午先是用洪謨致仕上十事其安中國三曰積民食預備
倉頡小縣滿十萬大縣滿百萬曰撫流民西漢時召信臣守
南陽流民自附八萬餘曰東晉時雍州在今西安曰流民來
聚襄陽若僑置南雍州於襄水上松滋縣在今廬州曰流民
來聚荊州乃僑置松滋縣於荊江南其後南雍遂併於襄陽
松滋遂隸於荊州此往事之可法也成化七年以檢討張寬

言驅流民還里值暑多饑渴死妻女被掠感疫解夫惧染故
覆舟於江後都御史原傑招撫計死者九十萬人此今事之
宜鑒也今宜著令倣召信臣故事聽流民著籍仍復九年待
其安定然後徵之遠則倣晉南雍州松滋縣故事設州縣置
官吏編里甲建庠序流民在、有之四川湖廣尤多俱令附
籍量為賑給寬徭省刑承絕戶田地使紂其糧刀耕火種者
之則流民即良民矣曰弭強寇東漢廣陵賊張嬰寇揚徐太
守張綱單車造壘中示國恩即降今宜錄張嬰本末開諭聽
則歸農否者征勦未晚也其定四夷七日備胡、東漢大將

軍耿恭圍於匈奴藥矢射之其肉如沸今守邊者宜藥矢或
弩箭神臂弓賊近邊即斃其馬則敵人不敢窺伺曰勦廣寇
漢順帝反日南蠻反募蠻夷使自相攻嶺外悉平唐玄宗時
西原蠻黃乾耀等叛詔募環古酋領方子殫甘令耀等討之
遂斬乾耀今廣西左右兩江土兵不下四五十萬若夷人出
沒募土兵征勦如通祀事有功陞為冠帶通祀又有功世襲
又有功陞隨司長官又有功世襲若土官知縣有功陞知州
知州陞知府知府陞宣慰又累功歷至都指揮都督則人皆
盡心無不可破之賊曰征西南夷及吐蕃漢昭帝時西南夷

姑繒葉榆殺藍州太守乃召鈞町侯亡波擊之唐德宗時吐
蕃入寇召南詔異牟等擊之今貴州苗賊即古西南夷如其
出沒調川貴土司兵征之松潘番即古吐蕃山路極險轉運
輒被劫乞移松潘官軍半守衛移其半山下庶省轉運之苦
仍約四宣撫司勦捕者陞賞出格則大害可去曰征雲南邊
境雲南老撾等處最瘴毒死人若不得已用兵必調各處土
兵如唐之調雲南異牟尋曰經制雲南境外雲南臨安縣南
有野人一區內不屬雲南外不屬交趾宜諭其酋立官長使
自推寨主許三年貢馬免其差發則內可屏雲南外可捍交

止曰經制湖廣漢峒等蠻宋太祖時辰州夷人奏再雄武略
勇健擢辰州刺史終無邊患今辰州苗克平之後令各峒酋
長自擇其溪峒可宣撫長官司及土知府等官將如宋之無
邊患也曰經制四川都掌大壩國初經制雲貴設土官獨廣
西蠻蛋湖廣苗蠻溪峒四川都掌大壩未設土官每有夷患
乞設土官為便跡入 上善之下所司而洪謨卒
辛未前戶部尚書李敏卒於內黃敏字公勉襄城人景泰甲
戌進士授御史有聲歷撫大同進兵部右侍郎劾罷起撫保
定改督漕立尚書貴戚乞莊田力持之論奏多中綦人更稱

之年六十七贈太子少保謚恭靖

壬申太僕寺少卿李介卒河內人成化五年進士居官最廉

乙亥巡撫貴州右僉都御史張文昭回院

戶刑部右侍郎劉璋閔珪為左侍郎巡撫保定右僉都御史

張鼎梅治鄖陽右副都御史戴珊為刑部右侍郎

京城火踰旬不息欽天監正吳昊奏占書曰濫火法律政事

不脩之証

涼州星隕如月指揮使徐熹不以聞

三丁丑朔進士唐貴寧舉叢蘭周序吳世忠王欽李應和為給

事中

庚辰昏刻月犯六諸王西星

癸未張錦服闋補右副都御史巡撫保定河南山東左布政

使張岫王道為右副都御史福建按察使高崧為右僉都御

史岫巡撫遼東道撫治鄖陽崧巡撫貴州

丁亥陞北平并瓦刺貢使指揮使正使副使指揮同知次等

副戶千又次等百戶

己丑陝西靖遠衛乾鹽池地震有聲

庚寅久旱致齋三日分告嶽鎮海瀆

甲午廣東陵水賊流掠擊敗之

丁酉定巡按御史閔報賢石從都布按郡縣正官稽覈而上

右都御史白昂以先所報或未當故務出於公

戊戌命構逆卒止所司移檄勿遣人勾擾

己亥南京禮部尚書黎淳致仕

錄楊銘子世錦衣指揮使即哈銘北狩侍衛功

逮兩廣總督秦紘與安遠侯柳景并鞫刑科左給事中趙竑

等御史史簡等言景貪暴紘廉正恐人心失望不聽

癸卯刑部左侍郎閔珪為右都御史總督兩廣軍務兼巡撫

裕州汝州大雨雹積三尺壞宅稼

四月未彰德地震有聲

戊申秦王誠泳請王府官軍免調衛罰贖還職從之

南京右僉都御史王軾兼提督操江

己酉揚州知府馮忠誦通判楊際削籍祭燈節造烟

火忠往觀夜歸人衆爭浮橋溺數十人

沅州衛雨水雹水高三四丈漫城漂廬舍

唐成禮部尚書耿裕侍郎倪岳周經下獄初禮部火詰其由

謂積米糴蒸致之奪俸三月下主事祁仁獄已科道劾其罔

并訊裕等署唐事府禮部尚書丘濬攝部事再奪裕等俸三

月仁調長沙通判張志淳南園漫錄云耿裕等下鎮撫司杖

甲寅周府臨湍王同鈞薨年三十二謚榮惠

代府寧澤王聰滴薨年十三謚懷莊

乙卯翰林檢討張芮為脩撰

丙辰巡撫保定右副都御史張錦為刑部左侍郎

戊午南京右副都御史吳楨降山西左叅政以前陝西布政

時移用賑濟銀

庚甲遼府衡陽王恩鑑薨雖封冊使未至謚悼僖

辛酉外刻南京金星晝見
澤州天鳴夜月食

乙丑勅司禮太監韋泰同法司釋輕囚遣刑部郎中陳章何
說錄因兩畿

戊辰國子生丁燾上八事保聖躬妃嬪選放宮女廣言路惜人
才飭兵備審刑獄歆天神蠲租稅下所司

癸酉翰林編脩兼司經局校書梁儲服闋為侍講

江西左布政使張琳為右副都御史巡撫保定兼提督紫荆
等關

甲戌山西左布政使劉瑀為右副都御史總督南京糧儲

五朔甲故湖廣行省參政宜興吳雲贈刑部尚書謚忠節祠主

釋祠曰二忠洪武五年禱往諭雲南梁王見殺一年雲往諭

至雲南沙塘口同行鉄知院等殺之梁王聞之殯給孤寺永

樂聞歸塋江夏之金口廕子黻交阯知縣至是巡撫右副都
御史王詔乞贈謚仍贈資政大夫刑部尚書

李東陽曰雲南遠在萬里外殘胡餘孽害我忠良而其名
跡顯著歷百餘年如一日嗟乎時變境易兵革擾攘之際
雖關廷幾甸之下節義之沉沒者何限况其他乎

戊子雲南按察僉事賀元忠為副使整飭騰衝兵備添設

辛卯儀賓王憲子道世錦衣百戶以同安郡主特予之

壬辰憲廟其妃姚氏薨謚端儀

大理寺左少卿楊澄為左僉都御史提督鳳門等關兼巡撫

山西

定南京魏國公徐備自守備外坐序爵

甲午南京國子祭酒謝鐸致仕

前南京工部尚書程宗賸杖還職仍致仕先是宗以右副都

御史撫諭木邦宣慰司頭目思柄奏設孟密安撫司授思柄

安撫復族思柄焚所侵十八寨偽歸其地實未歸也事聞以

赦前輕擬

丙申進士劉紳匡翼之為南京監察御史

己亥大理左寺丞魏璋以託市女奴謫九江同知璋奸險傷

善人間而快之

壬寅故戶部尚書劉昭子綺乞贈謚禮部覆上不許謂前被

劾革太子少保何概拘也

前成都訓導婁諒卒諒廣信人景泰癸酉貢士篤學躬脩著

日錄四十卷三禮訂訛四十卷門人私謚文肅先生張元禎

志其墓

六月申廣東德慶州擒賊平

辛亥丑刻京師地震

癸丑曉刻金星犯天關星

乙卯翰林檢討胡承止文瀚為益府左右長史

丁巳左通政元子直為通政使

戊午許孫鑾會昌侯鑾幼優給成化末汰冗員在革中至

是鑾長以戚屬非傳奉仍襲

壬戌南京工部右侍郎黃孔昭卒賜祭葬孔昭字世顯黃巖

八天順庚辰進士授工部主事歷文選員外郎郎中注意人

才擢右通政司國史謂尚書尹旻治馬多隨愛憎而毀譽之

同舍郎畏遜虞事深刻假道學名與張元禎謝鐸李釗等標

標鈞名入文選其家暴富所學不過記誦調章助應對飾外

成化中每早朝入掖門象中論詩文或評程朱如是十餘年

或厭之此禁地倉迫豈從容論理時耶其利譏如此今他書

又甚稱之何軒輕不侔也子甫亦文選郎中賍敗孫紹嘉靖

初議禮貴贈孔昭禮部尚書謚文毅

癸亥前太子少保兵部尚書張鵬卒涿水人景泰辛未進士

授御史劾石亨罪戍鉄嶺衛移南丹憲宗初復官剛直自
將少能自見歷顯要猶如寒素雖曾被論物議無貶也予祭
墓贈太子太保謚懿簡

己巳寧王奠培薨年七十三謚曰靖

辛未茂州眉州地震有聲

七庚辰廣東增城縣山盜平

癸未左春坊左庶子兼翰林侍讀學士李傑為南京國子祭

酒

甲申南京工部尚書劉宣卒宣字紹和安福人父戍盧龍徙

步學於京師正統八年預言備景泰辛未進士館選授編

修進右諭德歷南京太常寺少卿寺卿署祭酒吏部左右侍

郎性耿介好折人過彭華喉蕭彥莊傾冢宰李秉宣至華冢

責歎之遂轉南京左熟典故成化初序慶成宴坐尚書姚夔

問宣歷答無一弊所著冲澹集正德中贈太子少保謚文懿

丙戌南京國子祭酒李傑仍脩實錄

丁亥南京太僕寺少卿李應禎致仕

外刻南京木星畫見

己丑鎮守寧夏總兵官都督俞勳周璽卒璽遷安人世開平

衛指揮使多才略知兵習戰於懷仁夏承左之戰尤著工
騎射年四十七人多惜之

辛卯衛陽王長子恩錯薨喪祭視都王

盧氏縣改屬河南舊陝州

壬辰翁源盜三百人餘入宜章興寧桂陽

癸巳入甘肅白石崖

曉刻木星犯井宿

甲午壽王汝王涇王榮王申王冠

丙申夜月犯天高星

壬寅開封地震有聲

乙巳朔祠宋留守宗澤墓於丹徒

丙午遼府沅陵王豪灑薨年五十六謚昭安

戊申應天府尹秦崇卒單縣人天順庚辰進士授給事中性剛執不屈沒不能殯可謂難矣

庚戌江南水災暫停織造

癸丑定進士內外選依榜先後不得越

土魯番入貢請還哈密城印

曉刻南京壽星見

甲寅南京淮揚地震大雷雨

刑部尚書何喬新自免御史鄒魯觀大理寺丞喬新補其郎
中魏紳魯誣以賂訊紳無坐

戊午安遠侯柳景開任追贖右都御史秦紘致仕

談遷曰先朝凡官民事嘗遣廷臣遠勘當時人情簡樸
郵傳供億當亦不貲如秦紘之劾安遠兩遣朝使後復聽
於棘木之下滯棗經年使在今日繁累為何如耶

己未封諸弟祐椿壽王祐棹汝王祐楫涇王祐樞榮王祐楷

申王

丁卯憲宗純皇帝實錄成賜監脩總裁纂脩等官金幣有

差

王鏊曰前代左史記言右史記動宮中有起居注如晉董

狐齊南史皆以死守職司馬遷班固皆世史官故通知史

官親見在廷君臣言動而書之我朝翰林皆史官立班雖

近矯正

王鏊曰六朝

諸司奏牘雜

合成

官階遷擢而

已間有復貶又才以言

戊辰進吳國公張懋太師內閣劉吉少師徐溥太子太傅戶
部尚書兼武英殿大學士劉健禮部尚書兼文淵閣大學士

刑部尚書何喬新自免御史鄒魯觀大理寺丞喬新補其郎
中魏紳魯誣以賂訊紳無坐

戊午安遠侯柳景開任追贖右都御史秦紘致仕

談遷曰先朝凡官民事嘗遣廷臣遠勘當時人情簡樸
郵傳供億當亦不貲如秦紘之劾安遠兩遣朝使後復聽
於棘木之下滯棗經年使在今日繁累為何如耶

己未封諸弟祐椿壽王祐棹汝王祐檉涇王祐樞榮王祐楷

申王

丁卯憲宗純皇帝實錄成賜監脩總裁纂脩等官金幣有

差

王鏊曰前代左史記言右史記動宮中有起居注如晉董

狐齊南史皆以死守職司馬遷班固皆世史官故通知史

官親見在廷君臣言動而書之我朝翰林皆史官立班雖

近螭頭亦遠在殿下成化以來凡脩史則取諸司奏牘雜

合成之三品以上官乃得立傳亦惟記出身官階遷擢而

已間有褒貶又未必盡公後世何所取信乎

戊辰進吳國公張懋太師內閣劉吉少師徐溥太子太傅戶

部尚書兼武英殿大學士劉健禮部尚書兼文淵閣大學士

副總裁丘濬太子太保汪諧禮部右侍郎兼翰林學士
己巳增成都通判一監餉松潘

庚午復午朝

暹羅國王國陰勃利略坤息利在地亞入貢

前府都督同知李俊為征西將軍總兵官鎮守寧夏

辛未纂脩官太常寺少卿兼侍讀傅瑜為太常寺卿少詹事

兼侍讀費閏為詹事俱兼侍讀學士左右庶子李東陽董越

俱太常少卿兼侍講學士謝遷吳寬陸簡俱少詹事兼侍講

學士侍讀曾孝楊守陟俱左諭德侍講劉戩王鏊俱右諭德

楊傑梁儲俱司經局洗馬左贊善張元禎南京侍講學士脩

撰劉機楊廷和編修江淵俱侍講武衡張芮編脩劉忠鄧燧

黃珣張天瑞俱侍講檢討楊時暢編脩劉春涂瑞俱脩撰

九
戊寅吏部左侍郎彭韶為刑部尚書南京戶部左侍郎侯璚

為南京工部尚書巡撫陝西右副都御史蕭積為南京工部

右侍郎

旱災免廣西田租有差

己卯南京兵部右侍郎王詔卒詔趙州人天順甲申進士授

給事中論事得大體歷撫雲南不避險遠清約如平時年六

十四特予塋祭

庚辰夜月犯建星

壬午吏部右侍郎張悅為左侍郎禮部右侍郎周經改吏部

甲申南京督學御史王鑑之陳科場之弊下禮部申飭

庚寅夜月犯天街下星

甲午壽寧伯張懋故妾湯氏贈安人賜祭不為例

丁酉皇長子生

盜入漳平縣劫安溪

戊戌 上有疾不朝

庚子河南按察使樊瑩為應天府尹

秦州及寧遠伏羌禮俱地震有聲

辛丑憲廟惠妃郭氏薨謚靖順

壬寅興王國德安汝王國衛輝益王國建昌

十 丙午詹事兼翰林侍讀學士費閔為禮部右侍郎南京左副

都御史李益為南京戶部左侍郎河南布政使王宗彛為

右副都御史巡撫陝西

蓋州衛地震有聲

丁未改興王封安陸

戶部左侍郎劉璋為南京禮部尚書巡撫甘肅右副都御史
王繼為南京兵部右侍郎

廣西慶遠一寨峒賊韋旋等掠賓州

壬子周府定安王安瀛薨年十九謚懷簡

丙辰以皇子生詔天下

夜月犯天陰下星

丁巳光山縣有紅光如雷聲如鼓入地化為石大如斗光州

商城各見星沫有聲如光山

戊午黃河溢命賑開封懷慶及歸德宣武睢陽三衛災民

己未于茂為監察御史

庚申大寇甘肅多殺掠右叅將彭清追敗之

辛酉萬州地震有聲

乙丑太子太保禮部尚書丘濬兼文淵閣大學士直閣

丁卯脩太廟及神宮監

戊辰貴州苗七千餘人攻楊安屯堡都指揮劉英往覘賊猝

值之互殺傷被圍

是月石城所吏目鄒智率智合州人成化 鄉舉第一丁

未進士少貧窶耽學即勵行尚氣節選庶吉士慨慕古昔與

湯萬吉人等交善株坐遠謫順德知縣吳廷舉重其人構謫
仙亭居之父來視責不能祿養泣受杖年二十八廷舉為治
其喪天啟初謚忠介

林之盛曰孝廟之治我朝殷高宗也使早得賢輔推誠
下開導弘治之政禮樂文章當蔚然力有可觀惜哉早鄙之
輔耐彈不去而初政猶未光也鄒汝愚先生弱冠登朝即
首嚴君子小人以正心定志之學秉牘以進使邪臣不阻
抑天假之年而獲與劉忠宣諸君子比肩儻力成就豈有
量耶惜乎其蚤世也

曹學佺曰先生之官非言官也其時則盛時也貶而至死
之年尚不滿乎三十也真若賈長沙之痛哭涕涕於漢廷
而不能以一朝居屈子平之行歌自放於江潭而不能以
一息忘者豈非忠烈之性自天植之也與

十所癸酉朔真定星隕

乙亥水災免蘓松常鎮太平寧國應天杭嘉湖田租有差
丁丑上屯古北口分守少監田亮遣謀覘之被殺七人
代府寧化王鍾鈔晉府慶成王長子奇湏皆有罪奪爵
唐辰賑應天等郡

壬午以河南巡撫都御史徐恪言查回江南內臣不果行
乙酉後府都督僉事柯忠卒山後人

己丑旱災免台處金衢今年田租有差

庚寅整飭薊州邊備右副都御史秦民悅為戶部右侍郎提

督倉場

命光祿寺市物即給直

辛卯昏刻木星犯井宿

丁酉順天府尹唐均為右副都御史整飭薊州邊備兼巡撫

順天

十 丁卯甲辰萬全都司保安州各地震

己酉巡撫四川右副都御史邢表卒

文安人天順元年進士歷任皆克盡職

山東布政司庫被盜左布政使吳岷下巡按御史訊贖還秩

壬子夜月犯天街下星

癸丑潘府唐山王鈺鉞薨年三十四謚榮康

丙辰陝西布政司左叅政黃傑為順天府尹

戊午貴州苗也富架等作亂殺掠都勻清平議討戶部尚書

葉淇等言世輕動遂命增兵積餉以待

岷府南渭王長子膺羅淫虐蔑倫廢徙鳳陽

癸亥冊興王妃蔣氏

甲子慶王遼墀薨初自岐陽王進封年四十四謚曰莊

進士胡易韓智童瑞為給事中

英廟妃黃氏薨

大學士丘濬請纂禮經擬詔旨傳出 上褒答

土魯番連壇阿里麻王遣寫亦滿速兒等入貢獻哈魯城印

還所掠五百餘人賜勅賞賚

開貴州中淮浙川雲鹽二十萬引備征苗

戊辰鳳陽 皇陵火延燬九十餘里燬大樹數千株

己巳南京戶部尚書黃紱改南京左都御史起秦紘南京戶

部尚書

婁遠侯柳景母孫氏以被火求宥贖許之刑部尚書彭韶言

唐宣宗元舅鄭光官租不入京屯并韋澳械其庄吏宣宗欲

寬之澳謂若此法獨行於貧元不可為訓竟徵足之令柳景

無元舅之親使臣等媿於韋澳不聽景姻外戚慶雲侯

卷伍

